



C40
4514

合
848

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

C 40-4514

了翁王忠詩大藏及有
家書置武州紫雲山
我徵笑菩院直府中永
為學者不敢許出院內
當山三世鑑牛機謹識



B 64853

大方廣佛華嚴經疏鈔卷第四十五之一

千闕國三藏沙門實叉難陀

譯

阿僧祇品第三十

疏初來意有二一通。謂前三品別答前問。此下三品總明等覺深奧故。二別。謂前既智圓證極。此品校量行德難思。故次來也。又難思佛德。菩薩盡窮故。亦爲遠答變化海故。故下偈中廣顯變化大用。又通顯一部之數量故。鈔初來意者。一通以後三品對前三品。二別辨者。則此品對十忍品。自有

三意一答第二會初二亦爲遠答下答第一會中
十海三又通下顯一部之數初中復有一意一直
辯菩薩二又難思下明菩薩知佛德下科偈文亦
具此二意

疏二釋名者阿之言無僧祇曰數全帶數名若晉
本云心王菩薩問阿僧祇品兼能問人卽人法雙
舉及菩薩所問之筭數梵本同此然僧祇是十大
數之初首經論多用故以標名又顯此數卽離數
故寄無數標名鈔全帶數名者無數乃是一百
二十四數之一故人法雙舉者若人法不同卽是

相違下言及菩薩所問之數卽是依主然僧下通
妨妨云僧祇非是後數何以偏標通意可知

疏三宗趣者寄數顯德分齊爲宗令知普賢諸佛
離數重重無盡爲趣

疏四正釋文此下三品總顯深奧卽爲三別此品
明勝德無數次品明盡一切時後品明徧一切處
然此三品初一通明佛菩薩德次品正顯佛德兼
明菩薩後品唯明菩薩所以爾者亦是等覺亦名
佛故位後普賢是佛菩薩故鈔四釋文下此先
總科有二一直就法科然此三品下約人料揀

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

爾時心王菩薩白佛言。世尊。諸佛如來演說阿僧祇無量無邊無等。不可數。不可稱。不可思。不可量。不可說。不可說。不可說。

疏今初一品先問後答。問中二先牒佛所說。後世尊下。正明客問。今初所以心王問者。表數不離心數。與非數皆自在故。又顯此數統收前後辨超勝故。所以徧問十者。舉後攝初。顯無盡故。前後文中。多用此故。故文云。如來演說。但問本數已。攝諸轉。鈔表數不離者。此釋心字。數與非數下。釋王字。王以自在爲義故。又顯此數下。雙明心王二字。

心者。統攝諸法。一切最勝故。王者。統御四海爲最勝故。所以偏問下。料揀所問。言轉者。謂阿僧祇阿僧祇爲一阿僧祇轉等。

世尊云。何阿僧祇乃至不可說。不可說耶。

佛告心王菩薩言。善哉。善哉。善男子。汝今爲欲令諸世間入佛所知數量之義。而問如來應正等覺。

疏第二。佛告下答中四。一讚問成益。令入佛所知數者。以是圓教所明。深廣無涯。唯佛方測。不同凡小所知。如黃帝笑法。但有一十三數。始從一二。終至正載。已說天地不容。小乘六十已至無數。此有

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

百二十四倍倍變之。故非餘測。故數之終。寄不可說。況復偈初更積不可說。歷諸塵刹。以顯無盡。所以佛自答者。正表難思故。又明此品統語因位終德。故佛說之。鈔始從一二者。從一至十爲十次。有十三數。謂十十爲首。一百爲千。次萬億京兆垓梓壞溝澗正載。言載者。天地不能容載故。小乘六十者。卽俱舍論說六十。向後更無數也。卽第十二論。引解脫經說六十數中。阿僧企耶是第五十二數。彼文具列。從一至十爲十。乃至跋羅攬爲一。阿僧企耶。於此數中。忘失餘八。但五十二。今云小乘。

六十已至無數者。此之無數。謂此外更無。非是阿僧企耶也。

善男子。諦聽。諦聽。善思念之。當爲汝說。

疏二。善男子下。誠聽許說。

時心王菩薩唯然受教。

疏三。時心王下。敬受尊命。

佛言。善男子。一百洛叉爲一俱胝。俱胝俱胝爲一阿庾多。阿庾多阿庾多爲一那由他。那由他那由他爲一頻婆羅。頻婆羅爲一矜羯羅。矜羯羅矜羯羅爲一阿伽羅。阿伽羅阿伽羅爲一最勝。最勝最勝。

爲一摩婆羅。摩婆羅。摩婆羅爲一阿婆羅。阿婆羅阿婆羅爲一多婆羅。多婆羅。多婆羅爲一界。分界分界分爲一普摩。普摩。普摩爲一称摩。称摩。称摩爲一阿婆鈴。阿婆鈴。阿婆鈴爲一彌伽婆。彌伽婆。彌伽婆爲一毗擇伽。毗擇伽。毗擇伽爲一毗伽婆。毗伽婆。毗伽婆爲一僧羯邏摩。僧羯邏摩。僧羯邏摩爲一毗薩羅。毗薩羅。毗薩羅爲一毗瞻婆。毗瞻婆。毗瞻婆爲一毗盛伽。毗盛伽。毗盛伽爲一毗素陀。毗素陀。毗素陀爲一毗婆訶。毗婆訶。毗婆訶爲一毗薄底。毗薄底。毗薄底爲一毗佉擔。毗佉擔。毗佉擔爲一稱量。稱量。稱量爲一一持。一持。一持爲一異路。異路。異路爲一顛倒。顛倒。顛倒爲一二末耶。三末耶。三末耶爲一毗覩羅。毗覩羅。毗覩羅爲一奚婆羅。奚婆羅。奚婆羅爲一伺察。伺察。伺察爲一周廣。周廣。周廣爲一高出。高出高出出爲一最妙。最妙。最妙爲一泥羅婆。泥羅婆。泥羅婆爲一訶理婆。訶理婆。訶理婆爲一一動。一動。一動爲一訶理蒲。訶理蒲。訶理蒲爲一訶理三訶理三訶理三爲一奚魯伽。奚魯伽。奚魯伽爲一達擇步陀。達擇步陀。達擇步陀爲一訶魯那。訶魯那。訶魯那爲一摩魯陀。摩魯陀。摩魯陀爲一餓慕陀。餓慕陀。餓慕陀爲

101234567892012345678930123456789

一堅擺陀。堅擺陀。堅擺陀爲一摩魯摩。摩魯摩。摩魯
 摆爲一調伏。調伏。調伏爲一離橋慢。離橋慢。離橋慢
 爲一不動。不動。不動爲一極量。極量。極量極量爲一阿麼
 恒羅。阿麼恒羅。阿麼恒羅爲一勃麼恒羅。勃麼恒羅
 勃麼恒羅爲一伽麼恒羅。伽麼恒羅。伽麼恒羅爲一
 那麼恒羅。那麼恒羅。那麼恒羅爲一笑麼恒羅。笑麼
 恒羅。笑麼恒羅爲一軒麼恒羅。軒麼恒羅。軒麼恒羅
 爲一鉢羅麼恒羅。鉢羅麼恒羅爲一戶婆麼恒羅。戶婆
 婆麼恒羅。戶婆麼恒羅。戶婆麼恒羅爲一翳羅。翳羅
 翳羅爲一薜羅。薜羅。薜羅爲一諦羅。諦羅。諦羅爲一

偈羅。偈羅。偈羅爲一窣步羅。窣步羅。窣步羅爲一泥
 羅。泥羅。泥羅爲一計羅。計羅。計羅爲一細羅。細羅。細
 羅爲一睥羅。睥羅。睥羅爲一謎羅。謎羅。謎羅爲一娑
 摆茶。娑。擺茶。娑。擺茶爲一謎魯陀。謎魯陀。謎魯陀爲
 一契魯陀。契魯陀。契魯陀爲一摩覩羅。摩覩羅。摩覩
 羅爲一婆母羅。婆母羅。婆母羅爲一阿野婆。阿野婆
 阿野婆爲一迦麼羅。迦麼羅。迦麼羅爲一摩伽婆。摩
 伽婆。摩伽婆爲一阿怛羅。阿怛羅。阿怛羅爲一醯魯
 耶。醯魯耶。醯魯耶爲一薜魯婆。薜魯婆。薜魯婆爲一
 猥羅波。猥羅波。猥羅波爲一訶婆婆。訶婆婆。訶婆婆爲一

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

毒嚴疏錄卷之一

爲一毗婆羅。毗婆羅。毗婆羅爲一那婆羅。那婆羅。那
婆羅爲一摩擺羅。摩擺羅。摩擺羅爲一娑婆羅。娑婆
羅。娑婆羅爲一迷擺普。迷擺普。迷擺普爲一者麼羅。
者麼羅者麼羅爲一駛麼羅。駛麼羅駛麼羅爲一鉢
擺麼陀。鉢擺麼陀。鉢擺麼陀爲一毗伽摩。毗伽摩。毗
伽摩爲一烏波跋多。烏波跋多烏波跋多爲一演說。
演說演說爲一無盡。無盡。無盡爲一出生。出生。出生
爲一無我。無我。無我爲一阿畔多。阿畔多。阿畔多爲
一青蓮華。青蓮華。青蓮華爲一鉢頭摩。鉢頭摩。鉢頭
摩爲一僧祇。僧祇。僧祇爲一起。趣。趣爲一至。至。至爲

一阿僧祇。阿僧祇。阿僧祇爲一阿僧祇。轉。阿僧祇。轉
阿僧祇。轉爲一無量。無量。無量爲一無量。轉。無量。轉
無量。轉爲一無過。無過。無過爲一無過。轉。無過。轉。無等
過。轉爲一無等。無等。無等爲一無等。轉。無等。轉。無等
轉。爲一不可數。不可數。不可數爲一不可數。轉。不可
數。轉。不可數。轉爲一不可思。不可思。不可思爲一不可
思。不可思。不可思爲一不可思。轉。不可思。不可思。不可思
爲一不可思。不可思。不可思爲一不可思。轉。不可思。不可思
爲一不可思。不可思。不可思爲一不可思。轉。不可思。不可思
爲一不可思。不可思。不可思爲一不可思。轉。不可思。不可思
爲一不可思。不可思。不可思爲一不可思。轉。不可思。不可思
爲一不可思。不可思。不可思爲一不可思。轉。不可思。不可思

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

說轉不可說轉爲一不可說不可說此又不可說不可說爲一不可說不可說轉。

疏四佛言下正答所疑於中二先長行明能數之數廣多後偈頌顯所數之德無盡今初問乃舉後難知答則始終具說初言一百洛又爲一俱胝者是中等數洛又是萬俱胝是億故光明覺品云過一億梵本皆云俱胝故若依俱舍以洛又爲億則俱胝當兆也若兼取一百千萬等下數法則通有百三十七數由前易故畧不說之俱胝以下並是上等數法倍倍變故餘如光明覺品說其中多

存梵音但是數名更無別理末後云此又不可說不可說者若類前具牒便有四箇不可說字故譯家云此又二字替一不可說不可說爲譯之巧。

鈔若依俱舍者彼論十一釋三輪頌云安立器世間風輪最居下其量廣無數厚十六洛又次上水輪深十一億二萬下八洛又水餘凝結成金謂十一億是此方言下洛又卽是梵語若並從此方合云下八億是水餘凝結成金故知以洛又爲億便有四箇者謂取前例合云不可說不可說不可說不可說爲一不可說不可說轉上兩不可說不可

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

說是所積之一數。謂一箇不可說。不可說兩箇不可說。不可說。乃至不可說。不可說箇不可說。不可說。故有四箇。今以此又二字替却兩箇不可說字。豈非妙耶。所以舉此者。以刊定記破經此又字爲長故。

爾時世尊爲心王菩薩而說頌言。

不可言說不可說。充滿一切不可說。不可言說諸劫中。說不可說不可盡。

不可言說諸佛利。皆悉碎末爲微塵。一塵中刹不可說如。一切皆如是。

此不可說諸佛刹。一念碎塵不可說。念念所碎悉亦然。盡不可說劫恒爾。

此塵有利不可說。此利爲塵說更難。以不可說笑數法不可說劫如是數。以此諸塵數諸劫。一塵十萬不可說。

疏第一偈頌百二十偈大分爲二。前六明普賢德廣說不可盡。餘偈明佛德深廣。普賢窮究前中分二。前四偈半明能數多。後一偈半顯所數廣。今初積數自有十重。以顯無盡。是知上至不可說轉。尚約順機據佛所知實無盡故。言十重者。一初句積

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

不可說至不可說。然此應積最後不可說。不可說轉。而但積不可說者。有一義故。一取言易故。下偈多用故。二表言所不及之數故。一次三句。將上所積充滿一切不可說中。於中初句標後二句釋。謂何者是一切不可說。釋云。不可說劫中說不盡者。三半偈將上諸不可說。一一是一刹皆碎爲塵。四半偈卽前一一塵有不可說刹。五半偈將前諸塵中刹一念徧碎爲塵。六半偈念念碎塵復盡多劫。七一句。明前所碎塵復有多刹入一句。卽此多刹復碎爲塵。九半偈以多笑數經於多劫。數上諸塵。

云如是數。十以上諸塵數劫。一塵有十萬箇不可說劫。如是重重無盡無盡。

爾劫稱讚一普賢。無能盡其功德量。於一微細毛端處。有不可說諸普賢。一切毛端悉亦爾。如是乃至徧法界。

疏第二顯所數廣中。畧舉三重。一將上諸劫讚一

普賢之德不盡。二況一塵中有多普賢。三況徧法界塵皆有多矣。是知德無盡故。若不以稱性之心思之。心惑狂亂。

一毛端處所有刹。其數無量不可說。盡虛空量諸毛

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

端一一處刹悉如是。彼毛端處諸國土無量種類差別住。有不可說異類刹。有不可說同類刹。

不可言說毛端處皆有淨刹不可說種種莊嚴不可說種種奇妙不可說。

疏第二一毛端下一百一十四偈明佛德深廣普賢窮究卽廣顯變化之相於中二前九十一頌明果德無礙因位善窮後不可言說諸如來下明果德深廣因能趣入前中亦二先明果法無礙後菩薩悉能下明因位善窮前中亦二先三偈明依報

自在鈔明果德深廣者趣入約證詣前善窮約解了又所舉德一約無礙二約深廣則二不同然趣入善窮應通無礙深廣益影響耳。

於彼一一毛端處演不可說諸佛名一一名有諸如來皆不可說不可說。

一一諸佛於身上現不可說諸毛孔於彼一一毛孔中現衆色相不可說不可言說諸毛孔咸放光明不可說。

疏後於彼一一毛端處演不可說下明依正融攝卽入自在於中五初二偈半依中現正。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

於彼一一光明中。悉現蓮華不可說。於彼一一蓮華內。悉有衆葉不可說。不可說華衆葉中。各現色相不可說。彼不可說諸色。內復現衆葉不可說。葉中光明不可說。光中色相不可說。此不可說色相中。一一現光不可說。

光中現月不可說。月復現月不可說。於不可說諸月中。一一現光不可說。於彼一一光明內。復現於日不可說。於不可說諸日中。一一現色不可說。

於彼一一諸色內。又現光明不可說。於彼一一光明內。現不可說師子座。

一一嚴具不可說。一一光明不可說。光中妙色不可說。色中淨光不可說。於彼一一淨光內。復現種種妙光明。此光復現種種光不可言說不可說。

如是種種光明內。各現妙寶如須彌。一一光中所現寶不可言說不可說。

疏一於彼一一光明下。十一偈半。正中現依。初現蓮華光明。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

彼如須彌一妙寶。現衆刹土不可說。盡須彌寶無有餘。示現刹土皆如是。

以一刹土末爲塵。一塵色相不可說。衆刹爲塵。塵有相。不可言說。不可說。如是種種諸塵相皆出光明。不可說。

疏後彼如須彌下淨土之用。

光中現佛不可說。佛所說法不可說。法中妙偈不可說。聞偈得解不可說。

不可說解念念中顯了真諦不可說。示現未來一切佛常演說法無窮盡。

一一佛法不可說。種種清淨不可說。出妙音聲不可說。轉正法輪不可說。

於彼一一法輪中演修多羅不可說。於彼一一修多羅分別法門不可說。於彼一一法門中又說諸法不可說。於彼一一諸法中調伏衆生不可說。

疏三光中現佛下五偈。依中現正說法。

或復於一毛端處不可說。劫常安住。如一毛端餘悉然所住劫數皆如是。

疏四或復下一偈明現時常住。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

其心無礙不可說。變化諸佛不可說。一一變化諸如來復現於化不可說。

彼佛法力不可說。彼佛分身不可說。莊嚴無量不可說。往詣十方不可說。

周行國土不可說。觀察衆生不可說。清淨衆生不可說。調伏衆生不可說。

彼諸莊嚴不可說。彼諸神力不可說。彼諸自在不可說。彼諸神變不可說。

所有神通不可說。所有境界不可說。所有加持不可說。所住世間不可說。

清淨實相不可說。說修多羅不可說。於彼一一修多羅演說法門不可說。於彼一一法門中又說諸法不可說。於彼一一諸法中所有決定不可說。於彼一一決定中調伏衆生不可說。不可言說同類法。不可言說異類心。不可言說異類法。不可言說異類語。

念念於諸所行處調伏衆生不可說。所有神變不可說。所有示現不可說。於中時劫不可說。於中差別不

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之十一

三

七

可說。

疏五其心無礙下十偈半。明自在調生。
菩薩悉能分別說。諸明美者莫能辨。

疏第二因位善窮中二。先半偈結前生後。
一毛端處大小刹雜染清淨麗細刹。如是一切不可
說。一一明了可分別。

以一國土碎爲塵。其塵無量不可說。如是塵數無邊
刹。俱來共集一毛端。此諸國土不可說。共集毛端無迫隘。不使毛端有增
大而彼國土俱來集。

於中所有諸國土形相如本無雜亂。如一國土不亂
餘一切國土皆如是。

虛空境界無邊際。悉布毛端使充滿。如是毛端諸國
土。菩薩一念皆能說。
於一微細毛孔中不可說。刹次第入毛孔能受彼諸
刹。諸刹不能徧毛孔。入時劫數不可說。受時劫數不可說。於此行列安住
時。一切諸劫無能說。
如是攝受安住已。所有境界不可說。入時方便不可
說。入已所作不可說。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

疏餘偈正顯因德於中有十。初八偈明帝網身土。是起行處。又前文明其展徧。此明包容文影畧耳。言毛孔悉能受諸刹等者稱法性之一毛。故受多利而無外。不壞相之多利安徧悟者之一毛。內外緣起非卽離故。鈔稱法性之一毛者。此中文亦影畧若具諸刹毛孔皆有稱性及不壞相義。今毛上取稱性義。故如法性之無外。利上取不壞相義。故不徧稱性之毛。而著悟者之言。更有一意。亦文影畧謂毛安悟者。則顯刹因迷有迷。則有分悟。則無邊前義直就法論。後義約人取法思之可見。內

外緣起者亦有二義。一約內外共爲緣起。由不卽故有能所入。由不離故。故得相入。二約內外緣起與真法性不卽不離。此復二義。一由內外不卽法性。故有能所入。不離法性故。毛能包刹能徧入二者。毛約不離法性。如理而包刹約不卽法性。不徧毛孔。思之成觀。

意根明了不可說。遊歷諸方不可說。勇猛精進不可說。自在神變不可說。

所有思惟不可說。所有大願不可說。所有境界不可說。一切通達不可說。

身業清淨不可說。語業清淨不可說。意業清淨不可說。信解清淨不可說。

撰述

華嚴疏卷之二

妙智清淨不可說。慧清淨不可說。了諸實相不可說。斷諸疑惑不可說。

出離生死不可說。超升正位不可說。甚深三昧不可說。了達一切不可說。

疏二意根明了下五偈。三業勤勇行。

一切衆生不可說。一切佛刹不可說。知衆生身不可說。知其心樂不可說。

知其業果不可說。知其意解不可說。知其品類不可說。知其種性不可說。知其受身不可說。知其生處不可說。知其正生不可說。知其生已不可說。

知其解了不可說。知其趣向不可說。知其言語不可說。知其作業不可說。菩薩如是大慈悲利益一切諸世間。

疏三一切衆生下。應器攝生行。普現其身不可說。入諸佛刹不可說。見諸菩薩不可說。發生智慧不可說。請問正法不可說。敷揚佛教不可說。現種種身不可

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

說。詣諸國土不可說。示現神通不可說。普偏十方不可說。處處分身不可說。親近諸佛不可說。

作諸供具不可說。種種無量不可說。清淨衆寶不可說。上妙蓮華不可說。最勝香鬢不可說。供養如來不可說。清淨信心不可說。最勝悟解不可說。增上志樂不可說。恭敬諸佛不可說。

疏四普現其身下五偈半明游方供佛行。

脩行於施不可說。其心過去不可說。有求皆施不可說。一切悉施不可說。持戒清淨不可說。心意清淨不可說。讚歎諸佛不可說。愛樂正法不可說。成就諸忍不可說。無生法忍不可說。具足寂靜不可說。住寂靜地不可說。其心過去不可說。不退轉心不可說。不傾動心不可說。觀察諸法不可說。寂然在定不可說。了達諸禪不可說。智慧通達不可說。三昧自在不可說。了達諸法不可說。了達諸禪不可說。真大願不可說。真妙法不可說。真五念不可說。真六識不可說。真七智不可說。真八識不可說。真九思不可說。真十法不可說。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之二

七

合

說明見諸佛不可說。

脩無量行不可說。發廣大願不可說。甚深境界不可說。清淨法門不可說。

菩薩法力不可說。菩薩法住不可說。彼諸正念不可說。彼諸法界不可說。

脩方便智不可說。學甚深智不可說。無量智慧不可說。究竟智慧不可說。

彼諸法智不可說。彼淨法輪不可說。彼大法雲不可說。彼大法雨不可說。

彼諸神力不可說。彼諸方便不可說。入空寂智不可說。

說念念相續不可說。

無量行門不可說。念念恒住不可說。

疏五修行於施下。廣脩十度行。

諸佛刹海不可說。悉能往詣不可說。諸刹差別不可說。種種清淨不可說。大士門不可說。諸尊不可說。差別莊嚴不可說。無邊色相不可說。種種間錯不可說。種種妙好不可說。無邊色相不可說。雜染世界不可說。清淨佛土不可說。

疏六諸佛刹海下二偈半。游刹自在行。知其種性不可說。知其業報不可了知衆生不可說。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之一

五

三

說知其心行不可說。

知其根性不可說。知其解欲不可說。雜染清淨不可說。觀察調伏不可說。

變化自在不可說。現種種身不可說。修行精進不可說。度脫衆生不可說。

示現神變不可說。放大光明不可說。種種色相不可說。令衆生淨不可說。

疏七了知衆生下明調伏衆生行。

一一毛孔不可說。放光明網不可說。光網現色不可說。普照佛刹不可說。

勇猛無畏不可說。方便善巧不可說。調伏衆生不可說。令出生死不可說。

清淨身業不可說。清淨語業不可說。無邊意業不可說。殊勝妙行不可說。

成就智寶不可說。深入法界不可說。菩薩總持不可說。善能修學不可說。

智者首聲不可說。音聲清淨不可說。正念真實不可說。開悟衆生不可說。

具足威儀不可說。清淨修行不可說。成就無畏不可說。調伏世間不可說。

諸佛子衆不可說。清淨勝行不可說。稱歎諸佛不可說。讚揚無盡不可說。

世間導師不可說。演說讚歎不可說。

疏八。一一毛孔不可說。下七偈半。三業深淨行。彼諸菩薩不可說。清淨功德不可說。

彼諸邊際不可說。能住其中不可說。住中智慧不可說。盡諸劫住無能說。

欣樂諸佛不可說。智慧平等不可說。善入諸法不可說。於法無礙不可說。

三世如空不可說。三世智慧不可說。了達三世不可

說。住於智慧不可說。殊勝妙行不可說。無量大願不可說。清淨大願不可說。成就菩提不可說。已同前五贊六中一諸佛菩提不可說。發生智慧不可說。分別義理不可說。知一切法不可說。已同前五贊六中一嚴淨佛刹不可說。修行諸力不可說。長時修習不可說。一念悟解不可說。

諸佛自在不可說。廣演正法不可說。種種神力不可說。示現世間不可說。已同前五贊六中一清淨法輪不可說。勇猛能轉不可說。種種開演不可

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

說。哀愍世間不可說。

疏九彼諸菩薩下願智自在行。

不可言說一切劫讚不可說諸功德不可說劫猶可盡不可說德不可盡。

疏十不可言說一切劫下一偈結德無盡。

不可言說諸如來不可言說諸舌根歎佛不可言說德不可說劫無能盡。

十方所有諸衆生一切同時成正覺於中一佛普能現不可言說一切身。

此不可說中一身示現於頭不可說此不可說中一

頭示現於舌不可說。

此不可說中一舌示現於聲不可說此不可說中一聲經於劫住不可說。

如一如是一切佛如一如是一切身如一如是一切頭如一如是一切舌。

如一如是一切聲不可說劫恒讚佛不可說劫猶可盡歎佛功德無能盡。

疏第二明果德深廣因能趣入中先果後因前中三初六偈總歎佛德。

一微塵中能悉有不可言說蓮華界一一蓮華世界

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之五

五

卷之五

中賢首如來不可說。乃至法界悉周徧其中所有諸微塵。世界若成若住壞其數無量不可說。一微塵處無邊際無量諸刹普來入。十方差別不可說。刹海分布不可說。

疏二。一微塵中能悉有下。別明依報。

一一刹中有如來。壽命劫數不可說。諸佛所行不可說。甚深妙法不可說。

神通大力不可說。無障礙智不可說。入於毛孔不可說。毛孔因緣不可說。

成就十力不可說。覺悟菩提不可說。入淨法界不可說。獲深智藏不可說。

疏三。一刹中有如來下。二偈別明正報。

種種數量不可說。如其一切悉了知。種種形量不可說。於此靡不皆通達。

種種三昧不可說。悉能經劫於中住。於不可說諸佛所。所行清淨不可說。得不可說無礙心。往詣十方不可說。神力不現不可說。所行無際不可說。往詣衆刹不可說。了達諸佛不可說。精進勇猛不可往詣衆刹不可說。了達諸佛不可說。精進勇猛不可

捲述 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

說。智慧通達不可說。於法非行非不行。入諸境界不可說。不可稱說諸大劫。恒遊十方不可說。方便智慧不可說。真實智慧不可說。神通智慧不可說。念念示現不可說。於不可說諸佛法。一一了知不可說。

疏第二種種數量下。明因德趣入。於中一二先自分行。

能於一時證菩提或種種時而證入。

毛端佛利不可說。塵中佛利不可說。如是佛刹皆在過。菩薩一切皆明見。疏後能於一時證菩提下。勝進行且從相顯畧科。國土衆生及諸佛體性差別不可說。如是三世無有過。菩薩一切皆明見。

然上諸德德圓融無盡無盡。惟忘懷體之。鈔且從相顯下。結釋顯深。

沙門明朗 明誠 明眼自捨淨資并募同衣及檀信共助刺此一卷伏願智行雙運。果證圓極。凡

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

各祈薦如意充滿者。

海岫 明誠 明朗 智圓 明眼各三錢 慧詢

照明各二錢

慧靜 清遠 淨戒 德蔭 沈

思孝 海印 明慕

如香 如城 照心 靜

元 智語 如珂 通讚各一錢

張倫 王盛

仁 鍾文明 圓永 智穢 性慈

慧聖各三分 智海各五分

沈有仁 明炤

明普共五分 丘紹熊

大方廣佛華嚴經疏鈔卷第四十五之一

終

大方廣佛華嚴經疏鈔卷第四十五之二

于闐國三藏沙門實叉難陀 譯

清涼山大華嚴寺沙門澄觀撰述

如來壽量品第三十

疏初來意者。夫玄鑒虛朗。出乎數域之表。豈有殊形萬狀脩短之壽哉。然應物隨機能無不形而無不壽。故上品彰其實德。此品以辨隨機。雖少至多。顯時無不徧。卽前多德之一。故粗廣之。亦爲遠答壽量海。故所以來也。鈔初來意中。二先立理。正顯十身壽量。且寄三身明之。謂真身無脩短。應身

示有脩短。玄謂玄理。鑑謂鑑照。理智冥契以爲真身。玄故則虛凝鑑故則明徹。出乎數不可語其壽命短長。出乎域不可言其形量所在。又出乎數不可說其一身多身。出乎域不可同其人天之壽。若開上能所證別則三身義具。然應物下辯其應化。故經云佛以法爲身。清淨如虛空所現衆色形。令入此法中。又云如來真身本無一應物隨機徧十方等。

疏二釋名者壽謂報命。量卽分限。染淨土之報壽。隨機見之分限。以顯無盡之命。無限之量壽之量。

故壽有斯量通二釋也。別行經名無邊佛土經。卽以處顯人。鈔二釋名者亦依真應以立其名。然諸經論說三身壽量。化則有始有終。長短萬品報則有始無終。一得永常。法身無始無終。凝然不變。故法華中以伽耶生雙林滅化身也。我本行菩薩道時所成壽命報身也。常住不滅法身也。此經宗意三身既融。三壽無礙。卽長能短。卽短恒長。無長無短。長短存焉。一一圓融。言思斯絕。

疏三宗趣者應物脩短爲宗。顯窮來際無限爲趣。以就同教。且積劣之勝。若就別教。則脩短圓融故。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

爾時心王菩薩摩訶薩於衆會中告諸菩薩言。

疏次正釋文初集經者叙而心王說者以領旨故佛壽自在故。

佛子此娑婆世界釋迦牟尼佛刹一劫於極樂世界阿彌陀佛刹爲一日一夜極樂世界一劫於袈裟幢世界金剛堅佛刹爲一日一夜袈裟幢世界一劫於不退轉音聲輪世界善勝光明蓮華開敷佛刹爲一日一夜不退轉音聲輪世界一劫於離垢世界法幢佛刹爲一日一夜離垢世界一劫於善燈世界師子佛刹爲一日一夜善燈世界一劫於妙光明世界光明藏佛刹爲一日一夜妙光明世界一劫於難超過世界法光明蓮華開敷佛刹爲一日一夜難超過世界一劫於莊嚴慧世界一切神通光明佛刹爲一日一夜莊嚴慧世界一劫於鏡光明世界月智佛刹爲一日一夜。

疏二佛子下正說於中三初別舉十刹相望。
佛子如是次第乃至過百萬阿僧祇世界。
疏次佛子如是下舉畧顯廣。

最後世界一劫於勝蓮華世界賢勝佛刹爲一日一夜普賢菩薩及諸同行大菩薩等充滿其中。

9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

疏三最後世界下舉其玄極且如以劫爲日未歷十重則劫不可說況百萬僧祇則最後之刹已隣刹海平等故舉普賢等充滿明極位所居由此名爲兼顯菩薩鈔已隣刹海者猶有數限故鄰言刹海平等無數量故

善女人葉門姚氏捐資四錢一分六釐刻此一卷伏願達實相以見如來悟無生而爲壽量

大方廣佛華嚴經疏鈔卷第四十五之二終

大方廣佛華嚴經疏鈔卷四十五之三

千闡國三藏沙門實叉難陀譯

清涼山大華嚴寺沙門澄觀撰述

諸菩薩住處品第三十二

疏初來意者上約化益盡一切時今明菩薩徧一切處故次來也故僧祇中明法界毛端之處皆有多多普賢此則據實而談今約機緣所宜指有方所使物欣厭翹心有歸若知能住菩薩毛舍利海所住之處塵納無邊則未有一方非菩薩住亦遠荅前壽量海問菩薩隨機住壽異故昔將此品遠

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

答第一會初問意十句。非唯義意不同。抑亦文不相次。

疏二釋名者。菩薩大悲隨機住處能住非一。故名曰諸菩薩之住處。故以爲名。

疏三宗趣者。隨機應感方所爲宗。使物歸憲及悟無方爲趣。

爾時心王菩薩摩訶薩於衆會中告諸菩薩言。

疏次正釋文。文中二先集經者敘亦心王說者。隨所統王皆自在故亦表心隨智住無障礙故。

佛子東方有處名仙人山。從昔已來諸菩薩衆於中

止住。現有菩薩名金剛勝與其眷屬諸菩薩衆二三百人俱常在其中而演說法。

疏二佛子下。正說住處有二十一處。前十依八方山海以上下。非凡至故不明之。山海包藏仁智棲止。表大智高深故能止能照。故後十二處城邑雜居。曲盡物機。表大悲無遺故則知菩薩無不在矣。今初第六是海中之山第十海中之窟餘皆是山。一仙人山者相傳是東海蓬萊山若爾則亦兼海。鈔山海包藏下釋山海意此句約事山藏海納。言仁智棲止者寄外典說夫子云仁者樂山智海。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

者樂水意云仁者好山。如山之安固不動。智者好水。如水之清鑒洗滌流止從緣故非要仁卽住山。智卽近水也。表大智下正約所表。唯一大智雙合。上二高如山深如海止卽是山照卽是海。

南方有處名勝峯山。從昔已來諸菩薩衆於中止住。現有菩薩名曰法慧與其眷屬諸菩薩衆五百人俱常在其中而演說法。

疏一勝峯卽德雲所在晉本名樓閣山卽婆施羅所居。

西方有處名金剛燄山。從昔已來諸菩薩衆於中止住。現有菩薩名精進無畏行與其眷屬諸菩薩衆三百人俱常在其中而演說法。

疏二金剛燄在西海之濱。

北方有處名香積山。從昔已來諸菩薩衆於中止住。現有菩薩名曰香象與其眷屬諸菩薩衆三千人俱常在其中而演說法。

疏四香積山昔云應是雪北之香山。鈔昔云等者凡有應是之言卽是帶疑事難融會不可勇知。固當多聞闕疑矣。言雪北者俱舍論說雪北香南。有阿耨達池故知雪山在香之南至。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

東北方有處名清涼山。從昔已來諸菩薩衆於中止住。現有菩薩名文殊師利。與其眷屬諸菩薩衆一萬人俱常在其中而演說法。

疏五清涼山。卽代州鴈門郡五臺山也。於中現有清涼寺。以歲積堅冰。夏仍飛雪。曾無炎暑。故曰清涼。五峯聳出。頂無林木。有如壘土之臺。故曰五臺。表我大聖五智已圓。五眼已淨。總五部之真秘。洞五陰之真源。故首戴五佛之冠。頂分五方之髻。運五乘之要。清五濁之災矣。鈔清涼山疏文分六一畧。釋經文。然畧有二名。言代州五臺。卽五臺縣。

及繁峙兩縣之界。往者非一。可畧言也。表我大聖下。第二彰其所表。多出金剛頂。瑜伽亦有以理推析。言大聖者。卽文殊也。不指其名。直言大聖。今山中稱念。但云大聖菩薩。卽舉總稱。別指吉祥耳。言五智者。若準佛地經論。五法攝大覺性。謂四智菩提。一真法界。依金剛頂。卽一真法界。名清淨法界智。故成五智。五眼可知。三言五部者。一佛部。二金剛部。三寶部。四蓮華部。五羯磨部。一切諸天真言。皆屬寶部。諸鬼神真言。屬羯磨部。四五陰者。卽我五陰。表是五臺中有大覺。卽不動智。佛妙慧。自

1 2 3 4 5 6 7 8 9 10 11 12 13 14 15 16 17 18 19 20

在卽是文殊五言首戴五佛之冠者。諸大菩薩多有此冠。而大聖不論戴冠。復常有五髻。然諸五類例大同。謂當中髻。卽中臺表之。毘盧遮那佛居是佛部王。法界清淨智。亦佛眼也。其東一髻。卽是東臺。是阿閦佛居爲金剛部王。是大圓鏡智。卽是慧眼。其南一髻。卽是南臺。寶生如來所居。是寶部王。是平等性智。卽是天眼。其西一髻。卽是西臺。阿彌陀如來所居。是蓮華部王。卽妙觀察智。卽是法眼。其北一髻。卽是北臺。不空成就如來所居。是羯磨部王。是成所作智。卽是肉眼。七若配五乘。中卽

佛乘。東菩薩乘。南緣覺乘。西聲聞乘。北人天乘。若人天乘別。北卽人乘。合佛菩薩餘。如次第。八若清五濁。但取五不同。不必如次。若配五陰。中卽識陰。東爲行陰。南爲想陰。西爲受陰。北爲色陰。例爲其次。識爲王故。然五如來。皆有種子。一一觀行。各各不同。學密教者。方知其要。今但畧屬而已。

疏然但云東北方者。其言猶漫。按寶藏陀羅尼經云。我滅度後。於瞻部洲東北方。有國名大振那。其國中間有山。號爲五頂。文殊師利童子游行居住。爲諸菩薩衆於中說法。及與無量無數藥叉羅刹。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

緊那羅摩。睺羅伽人。非人等圍繞供養恭敬。斯言審矣。鈔然但云下三定方所以經不指國名。但云東北故引經定所。以此經不指者。以在八方之例。餘之七方。皆不指國名。在下文故。今恐淺識者惑。故引經證。此經亦名八字陀羅尼經。廣說文殊之德。疏引猶畧。今更引之。謂彼經金剛密跡王菩薩問如來云。文殊師利於何處方面住。復何方面能行利益。如來答云。我滅度已下疏文全引。下有偈云。文殊大菩薩不捨大悲願。變身爲童真。或冠或露體。或處小兒叢遊戲邑聚落。或作貧窮人。哀形爲老狀。亦現饑寒苦。巡行坊市廊。求乞衣財寶。令人發一施。與滿一切願。使令發信心。信心既發。已爲說六度法領。萬諸菩薩居於五頂山。放億衆光明。人天咸悉覩。罪垢皆消滅。或得聞特法。一切陀羅尼。秘密深藏門。修行證實法。究竟佛果願。具空三昧門。習盡泥洹路。文殊大願力。與佛同境界。下更廣讚其德。不能繁敘。要當尋經。

疏其山靈迹。備諸傳記。余幼尋茲典。每至斯文。皆掩卷長歎。遂不遠萬里。委命棲託聖境。相誘十載。于茲其感應昭著。盈于耳目。及夫夏景勝事尤多。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

歷歷龍宮。夜開千月。纖纖細草。朝間百華。或萬聖羅空。或五雲凝岫。圓光映乎山翠。瑞鳥翥于煙霄。唯聞大聖之名。無復人間之慮。入聖境者接武革。凡心者架肩相視。互謂非凡。觸目皆爲佛事。其山勢寺宇。難以盡言。鈔其山靈迹下。四顯聖靈於中有二。初畧指諸文本傳甚廣。畧有六門。一立名標化。一封域里數。二臺頂塔廟。四諸寺廟宇。五古今靈應。六聞名禮敬功德。然今文中皆已畧有。今初一句通指前五門。地里誌云。其山層巒秀峙。路徑紆深。靈嶽神溪。非薄俗所居。悉是棲神禪寂之

士。冥搜造微之儔矣。余幼尋下。二自述見聞於中。有三。先敘至山元由。由此菩薩住處。清涼山之文。當時逆寇亂常。兵戈鋒起。豺狼滿路。山川阻絕。不憚而遊。故云委命棲託途雖五千。返覆萬里。始本暫遊。日復一日。傾馳聖境。十五年作疏至斯。正當十載其山勢寺宇下。畧指佳境。其山在長安東北一千六百里。離代州之東南百餘里。左鄰恒嶽。秀出千峯。右接孟津。長流一帶。北臨絕塞。遏萬里之煙塵。南擁汾陽。爲大國之艮背。廻泊日月。蓄洩雲龍。雖積雪夏凝。而名花萬品。寒風勁烈。而瑞草

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

千般丹嶂橫開翠屏疊起排雲撥路時逢物外之
峯捫蘿履危每到非常之境白雲凝望奪萬里之
澄江杲日將昇見三尺之大海五峯一一難具言
也言寺宇者北齊崇敬置立伽藍見有故壤二百
餘所當時棲託寺有八焉貞元以來數早過十或
五峯抱出或雙嶺中開或疊起巖中或聳居雲外
不可具言也

疏自大師晦迹於西天妙德揚輝於東夏雖法身
長在而雞山空掩於荒榛應現有方而贊頌得名
於茲土神僧顯彰於靈境宣公上熏於諸天漢明

肇啓於崇基魏帝中孚於至化北齊數州以領僕
有唐九帝之迴光鈔自大師下五徵元由兼彰
聖迹初對正敘本源大集經中佛將涅槃委諸菩
薩分衛大千此土多有毒龍爲害人多愛樂大乘
故妙吉祥菩薩處斯以行化故云妙德揚輝於東
夏文殊般泥洹經云若但聞名者除十二億劫生
死之罪若禮拜者恒生佛家若稱名字一日七日
文殊必降若有宿障夢中得見得見形像斯人位
階聖果應化廣大故曰揚輝次對成上兩句初成
上大師晦迹兼通妨難謂有問言常在靈鷲山及

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之二十一

七

餘諸住處。何言晦迹。故今云。一聖之本。本皆湛然。二聖之迹。迹有隱顯。今靈鷲山。盡是荒榛所翳。雞山。卽是雞足。亦鷲嶺所管。應現下。成上揚輝於東夏。山似靈鷲。故言鷲嶺得名。次下當說神僧等者。感通傳云。宇文後周時。文殊化爲梵僧。來遊此土。云欲禮拜迦葉佛。說法處。并往文殊師利所住之處。名清涼山。唐初長安師子國僧。九十九夏三果人也。聞斯聖迹。跣行至此。禮清涼山。皆神僧顯彰也。宣公等者。南山感通傳云。時有天人姓陸。名玄暢。來詣云弟子周穆王時生天。余乃問曰。宇內所

疑。自昔相傳。文殊在清涼山領五百仙人。說法。經中說文殊久住娑婆世界。娑婆則大千之總號。如何偏在此方。天人答曰。文殊是諸佛先師。隨緣利見。應變不同。大士大功。非凡境界。不勞評薄。但知多在清涼五臺之中。往往有人見之。不得不信。故云上稟於諸天。又今山南有清涼府。五臺縣。山北有五臺府。亦可萬代之龜鏡。故無惑矣。漢明等者。按感通傳云。今五臺山東南三十里。現有大孚靈鷲寺。兩堂舊跡猶存。南有花園。可二頃許。四時發彩。人莫究之。或云是漢明所立。又云魏文所作。互

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之二十一

說不同如何。天答曰。俱是二帝所作。周穆王時已有佛法。此山靈異文殊所居。周穆於中造寺供養。及阿育王亦依置塔。漢明之初。摩騰天眼亦見有塔。請帝王立寺。山形似於靈鷲。故號爲大孚靈鷲寺。大孚者弘信也。帝信佛理。立寺勸人。花園今在寺前後之君王。或改爲大花園寺。至則天大聖皇后與于闐三藏譯華嚴經。見菩薩住清涼山。因政爲大華嚴寺焉。五頂攢擁中開山心。離坎乾坤。得其中理。千巖聳秀。萬壑森沉。拔鷲嶺之仙峯。成華嚴之一葉。信可謂衆靈翔集之冲府。叅賢覲聖之玄都矣。所以前云鷲嶺得名於茲土。北齊等者。傳云北齊高帝篤崇大教。置一百餘寺於茲山。割八州租稅而供山衆衣藥之資。至今猶有五道場莊。有唐等者。自我大唐至于今。聖相繼九葉。無不廻於聖鑑。言今聖者。當德宗帝。傾仰靈山。御扎天衣。每光於五頂。中使香藥不斷於歲時。金閣岩窓於雲端。猶疑聖化竹林。森聳於巖晦。宛似天來。故得百辟歸崇。九州持供。雲委霧合。市地盈山。非我諸佛之祖師。積萬行於曠劫。慈雲彌漫而普覆智海。點湛而包納。廓法界爲疆域。盡衆生爲願門。孰能

支那
華嚴疏錄卷之二十一
計
東京大学総合図書館所蔵

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

應感若茲宿善何濃遇斯遺跡情躍不已形于詠言

疏五天殉命以奔風八表亡軀而競託。其有居神州而一生不到亦奚異舍衛三億之徒哉。願皆修敬。鈔五天殉命下六勸物修敬初二句引例勸修五天竺國粗云二十萬里孰知其實數耶。若以陸行途經數百國雲山幾萬重或捫索憑虛或飛梯架迥或風行雪卧或木食松棲或惡獸盈羣或盜賊相繼若水行洪濤無岸雲島潛迴精闇搖風鯨鯢鼓浪日月出沒於波底魂魄颶颶於夢中縱

使浪息風停只見水涵於天際舟行棹舉猶將息念作生涯雖此艱危而三藏名僧相繼而至總緣大聖委命輕生故云五天殉命以奔風八表等者自東自西自南自北天徼月窟海潮日出有耳目者不憚艱辛遠而必至焉其有居神州下二正勸卽反舉不往之失以彰往者之得謂葱嶺之東地方數千里曰赤縣神州卽有唐中華之國也去清涼之境途程不遙坦然通衢車馬溢路隨方觀化不失家常往必感徵如何不往是知不往卽是三億之徒故今秉鉞分茆方面之重無不傾仰西域

19 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

諸王恨生五天不產東夏。豈唯遙禮大聖。每多仰羨此居。故有遊西天者。先問曾居五臺山不。若不曾居。弃而不顧。今此國衆生宿因。多幸得誕中華。諸佛祖師不解修敬。故此勸之。三億之徒者。智論第十一云。佛出世難值。如優曇華時。一有之。如是罪人。輪轉三惡道。或在人天中。佛出世時。天人不見。如說舍衛城中有九億家。三億家眼見佛。三億家耳聞有佛。而眼不見。三億家不見不聞。佛在舍衛國二十五年。而此衆生不見不聞。何況遠者。故今中華有人。曾到五臺山。卽亦聞亦見。有聞清涼。

而不得到。卽同聞名不見。只近五臺。亦有不聞不見之者。況於遠乎。故勸修敬。若見文殊功德之廣。如前畧說。廣在經文。

海中有處名金剛山。從昔已來。諸菩薩衆於中止住。現有菩薩名曰法起。與其眷屬諸菩薩衆千二百人。俱常在其中而演說法。

疏六金剛山謂東海近東。有山名爲金剛。雖非全體。是金而上下四周乃至山間流水砂中。皆悉有金。遠望卽謂全體是金。又海東人自古相傳。此山往往有聖人出現。然晉本此處。當其第九。以與第

19 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

十莊嚴窟俱在海中故而今居此者意是八方之內東北方攝故若不然者何以正說八方忽然語海又晉本海中有二住處一名枳怛那現有菩薩名曇無竭有萬一千菩薩眷屬言枳怛者具云呢枳多此云踊出金剛語體踊出語狀曇無竭者此云法生亦云法勇亦云法尚今言法起與生勇義同卽常啼之友也菩薩眷屬十倍今經或前譯之誤。

東南方有處名支提山從昔已來諸菩薩衆於中止住現有菩薩名曰天冠與其眷屬諸菩薩衆一千人

俱常在其中而演說法

疏七支提山者此云生淨信之所。有舍利者爲塔無舍利曰支提或山形似塔或彼有支提故以爲名昔云旣指清涼爲東北則東南影響吳越然吳越靈山雖衆取其形似者天台之南赤城山也直聳雲際絕若霞起巖樹相映分成數重其間有白道猷之遺蹤或卽當之矣然劍川有三學山中有歡喜王菩薩屢持燈而出名雖不同而天竺望之卽是東南亦有見其持寶冠者則密示其名也希後賢以審之。

西南方有處名光明山。從昔已來諸菩薩衆於中止。現有菩薩名曰賢勝。與其眷屬諸菩薩衆三千人俱常在其中而演說法。

疏八光明山。昔云應是與補怛洛伽山相連。以晉譯觀音住山爲光明。今文非觀音住處。而云光明。故言連也。

西北方有處名香風山。從昔已來諸菩薩衆於中止。現有菩薩名曰香光。與其眷屬諸菩薩衆五千人俱常在其中而演說法。

疏九香風山疑是香山西畔。

大海之中復有住處名莊嚴窟。從昔已來諸菩薩衆於中止住。

疏十莊嚴窟者。對上第六海中。故云復有。晉本云二名功德莊嚴窟。

毘舍離南有一住處名善住根。從昔已來諸菩薩衆於中止住。

疏後城邑十二處中。一毘舍離者。卽毘耶離。此云廣嚴城。亦曰廣博。卽是中印度淨名所居之城。言南者。按西域記第七云。此城南十四五里有塔。是七百賢聖重結集處。更南八九十里有僧伽藍。其

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

側有過去四佛座及經行遺迹之處應是其所。晉本第二更有一處名巴連弗邑有處名金燈僧伽藍昔云具言波吒補怛囉此云黃華子卽黃華女之子創居此處亦中天摩伽陀國具如西域記第八今經闕此一處鈔按西域記者彼云吠舍釐國卽毘耶離梵音楚夏云城東南行十四五里至大窣堵波是七百賢聖重結集處佛涅槃後百年吠舍釐城有諸苾芻遠離佛法謬行戒律時長老耶舍陀住憍薩羅國長老三菩伽住林菟羅國長老釐波多住韓若國長老沙羅住吠舍黎國長老富闍彌羅住娑羅黎弗國諸大羅漢心得自在皆得三明有大名稱衆所知識皆是尊者阿難弟子時耶舍陀遣使告諸賢聖守集吠舍釐城猶少一人未滿七百是時富闍蘇彌羅以天眼見諸大賢聖集議法事運神足至法會時三菩伽於大衆中右袒長跪揚言曰衆無諠譁欽哉念哉昔大聖法王善權寂滅歲月雖淹言教尚在吠舍釐城懈怠苾芻謬於戒律有十事出違十力教今諸賢者深明持犯俱是大德阿難指謨念報佛恩重宣聖旨時諸大衆莫不悲感卽召集諸苾芻依毘奈

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

耶。訶責制止。削除謬法。宣明聖教。七百賢聖結集。
 南行八九十里。至濕吠多。補羅僧伽藍。層臺輪煥。
 重閣聳飛。僧衆清肅。並學大乘。其側有過去四佛
 座。及經行遺跡之處。其傍窣堵波無數。憂王之所建
 也。如來在昔。南趣摩揭陀國。北顧吠舍釐城。中途
 止息遺跡之處。名巴連等者。西域記第八云。摩竭
 陀國。宛伽河南有故城。周七十餘里。荒蕪雖久。基
 址尚存。昔者人壽無量歲時。號拘蘇摩補羅城。唐
 言香花宮城。王宮多花。故以名焉。逮乎人壽數千
 歲。更名波吒釐子城。舊云巴連弗邑訛也。初有婆

羅門。高才博學。門人數千。傳以受業。與諸學徒相
 從遊觀。有一書生徘徊悵望。同儕謂曰。夫何憂乎。
 曰。盛色方剛。羈遊履影。歲月已積。藝業無成。顧此
 爲言。憂心彌劇。於是學徒戲言之曰。今將爲子求
 婦。婚親乃假立二人。爲男父母。一人爲女父母。遂
 坐婆吒釐樹。謂女婿樹也。採時果酌清流。陳婚姻
 之緒。請令好之期。時假女父攀花枝以授書生曰。
 斯嘉偶也。幸無辭焉。書生之心。欣然自得。日暮言
 歸。懷戀而止。學徒曰。前言戲耳。幸可同歸。林中猛
 獸恐相殘害。書生遂留住。來樹側。景夕之後。異光

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

燭野管弦清雅。幃帳陳列。俄見老翁策杖來慰頃。
有一嫗携引少女。並賓從盈路。弦服奏樂。翁乃指
少女曰。此君之弱室也。酣歌樂讌。經七日焉。學徒
疑爲獸害。往而求之。乃見獨立樹陰。若對上客。告
與同歸。辭不從命。後自入城拜謁親故。說其始末。
聞者驚駭。與諸友人同往林中。咸見花樹是一大
宅。僮僕役使驅馳往來。而彼老翁從容接對。陳饌
奏樂。賓主禮備。諸友還城。具告遠近。其十歲之後。
生一男子。謂其妻曰。吾今欲歸。未忍離阻。適復留
心棲寄。廳露其妻。旣聞具以白父翁。謂書生曰。人

生行樂。詎必故鄉。今將築室。宜無異志。於是役使
靈從。功成不日。香花舊城遷都此邑。由彼子故神
爲築城。自爾之後。因名波吒釐子城焉。

摩度羅城。有一住處。名滿足窟。從昔已來。諸菩薩衆
於中止住。

疏二云。摩度羅者。亦曰摩偷羅。此云孔雀。亦云密
蓋。並是古世因事。亦中印度言。滿足窟者。彼國有
舍利弗等塔。及文殊師利塔。於王城西五六里有
山寺。是烏波毘多所造。寺北有巖。中間有石窟。是
毘多度人安籌之所。具如西域記第四說。安籌雖

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

是後事多是安聖窟中。鈔一摩度羅亦云摩偷羅亦中印度境。西域記第四者。彼記名秣菟羅國。記中不說孔雀之緣。言有舍利等塔者。等取大目捷連及富樓那塔。言寺北有巖等者。記云城東行五六里至一山伽藍。疎崖爲室。因谷爲門。尊者烏波毘多。唐言近護之所建也。其中則有如來指爪窣堵波。伽藍北巖間有石室。高二十餘尺。廣三十餘尺。四寸細籌。填積其內。尊者近護說法。化導夫妻俱證阿羅漢果。乃下一籌。異室別族雖證不記。安籌等者恐人設難。云既是毘多建窟。乃是佛滅。

之後百年中事。今是始成說經。那是彼窟故爲此通。

俱珍那城有一住處名曰法座。從昔已來諸菩薩衆於中止住。

疏三俱珍那者。具云俱陳那耶。俱珍姓也。此云大盆。那耶。法律也。謂池形如大盆。往昔有仙於側修法律。後人以此爲姓。因爲城名。鈔三俱珍那城者。大同釋矯陳如名。清淨彼岸城有一住處。名目眞隣陀窟。從昔以來諸菩薩衆於中止住。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴經卷之三

九

疏四清淨彼岸城是南印度目真此云解脫卽龍之名隣陀云處卽龍所居處鈔目真等者西域記第八云目支鄰陀龍王池其水清黑其味甘美西岸有小精舍中作佛像昔如來初成正覺於此宴坐七日入定時此龍王警衛如來卽以其身繞佛七匝化出多頭俯垂爲蓋故池東岸有其室焉摩蘭陀國有一住處名無礙龍王建立從昔已來諸菩薩衆於中止住

疏五摩蘭陀國未詳所在晉經無國但云風地謂有風孔處卽龍所居鈔摩蘭陀者更以義推摩

蘭陀卽摩伽陀無礙龍王建立正是普光法堂是今說法之處耳以不指云此處故云未詳所在甘菩遮國有一住處名出生慈從昔已來諸菩薩衆於中止住

疏六甘菩遮國正云紺蒲卽是果名其果赤白圓滿乍似此方林檎而腹三約橫文此國多端正女人面似紺蒲三約文成以女名國出生慈者大集經中但名慈窟鈔大集經者卽月藏分第十亦但列名無別指處下當具引月藏之文

震旦國有一住處名那羅延窟從昔已來諸菩薩衆

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴金光卷之二

卅

合

於中止住。

疏七震旦國卽此大唐亦云真丹或云支那皆梵音楚夏此云多思惟以情慮多端故前爲成八方故清涼直云東北今在諸國之類故舉國名鈔此云多思惟者婆沙亦云支那此云漢也西域記云大漢具云摩訶支那故真諦三藏云衣物意云是衣冠人物之國皆是義翻疏翻爲正。

疏那羅延者此云堅牢昔云卽青州界有東牢山現有古佛聖迹此應是也然牢山乃是登州亦青州分野其山靈迹亦多然今之到此山者相傳云以是秦始皇築長城到此畢功故立其名。

疎勒國有一住處名牛頭山從昔已來諸菩薩衆於中止住。

疏八疎勒國具云佉路數怛勒是彼國山名因山立號或翻爲惡性因國人以立名然牛頭山在今于闐國此云地乳佛滅百年方立此國具如西域

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

記以集經之時未開尚屬疎勒故耳。晉本但云邊國故或指江表牛頭今譯既明定非此也。鈔八疎勒國者西域第十二云出葱嶺其烏鐵國此國城西二百餘里至一大山從此北行山積曠野五百餘里至佉沙國舊云謂疎勒者乃稱其城號也。正音宜云室利訖栗多底疎勒之言猶爲訛也。釋曰疏依古釋卽日照三藏釋西域記云佉沙國周五千餘里多沙磧少壤土稼穡殷盛花果繁茂從此東南行五百餘里濟河踰沙至斫句迦國唐言沮渠周千餘里國南境有大山崖嶺差峩峩巒重

疊草木凌寒春秋一觀溪澗瀦瀨飛流四注崖龕石室幕布巖林印度得果人多運神通輕舉遠遊棲止於此諸阿羅漢於此寂滅者衆是故多有窣堵波也今猶現有三阿羅漢居巖岫中入滅心定形若羸人鬚髮恒長故諸沙門時往爲剃而此國中大乘經典部數尤多佛法至處莫斯爲盛也。十萬頌爲部者凡有十數自茲已降其流寔廣釋曰據此華嚴等經却在此國從此而東踰嶺越谷行八百餘里至瞿薩旦那國唐言地乳卽其俗之雅言也俗語謂之漢那匈奴謂之于遁諸胡謂之豁

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

聖傳金言之三

曰印度謂之屈丹。舊曰于闐者訛也。瞿薩曰那國。周四千餘里。沙磧大半。壤土隘狹。宜穀稼。多衆果。宗尚佛法。伽藍百有餘所。僧徒五千餘人。並多習學大乘法教。王甚驍武。敬重佛法。自云毘沙門天之祀胤也。昔者此國虛曠無人。毘沙門天於此棲宅。無憂王太子在咀。又始羅國被抉目。王怒。譴謫輔佐。遷其豪族出於雪山北。居荒谷間。遷人逐牧。至此西界。推舉尊豪首立爲王。當是地也。東土帝子蒙譴流徙。居此東界。羣下勸進。又自稱王。歲月已積。風教不通。各因畋獵。遇會荒澤。更問宗緒。因

而爭長。忿形辭語。便欲交兵。或有諫曰。今何遽乎。因獵決戰。未盡兵鋒。宜歸治兵。期而後集。於是廻駕。各歸其國。校習戎馬。督勵士卒。至期。兵會旗鼓。相望。旦日合戰。西王不利。因而逐北。遂斬其首。東大乘勝無集亡國。遷都中地方建城郭。憂其無土。恐難成功。宣告遠近。誰識地理。時有金灰外道。負大瓠盛滿水而自進曰。我知地理。遂以其水屈曲遺流。周而復始。因卽疾驅。忽而不見。依彼水迹。峙其基堵。遂得興功。卽斯國治。今王所都於此城也。城非崇峻。攻擊難尅。自古已來。未能有勝。其王遷

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之二

三

都作邑。建國安人。功績已成。齒耄云暮。未有胤嗣。恐絕宗緒。乃往毘沙門天王所。祈禱請嗣。神像額上剖出嬰孩。捧以廻駕。國人稱慶。既不飲乳。恐其不壽。尋詣神祠。重請養育。神前之地忽然隆起。其狀如乳。神童飲吮。遂至成立。智勇光前。風教遐被。遂營神祠。宗先祖也。自茲已降。奕世相承。傳國君臨不失其緒。故今神廟多諸珍寶。拜祀享祭。無替於時。地乳所育。因爲國號。王城南十餘里。有伽藍。先此國王爲毘盧折那。唐言偏照。阿羅漢建也。王城西南二十餘里。至瞿室餽。力應反又伽山。唐言

牛角。山峯兩起。巖簾四絕。於崖谷間。建一伽藍。其中佛像。時燭光明。昔如來曾至此處。爲諸天人畧說法要。懸記此地當建國土。敬崇遺法。遵習大乘。卽今處也。牛角巖有大石室中。有阿羅漢入滅心定。待慈氏佛數百年間供養。無替近者。崖崩掩塞門徑。國王興兵欲除崩石。卽黑蜂羣飛。毒螯入滅。以故至今石門不開。釋曰。據此亦爲聖居。或指江表牛頭者。卽金陵南四十里。有山名牛頭。謂由此山有雙峯故。一名雙闕。一名天闕。一名南郊。一名仙窟。皆以累朝改革不定。按域地誌云。此山高一

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

千四百尺周廻四十七里。準西域記及舊華嚴經菩薩住處品。心王菩薩告諸菩薩言。東北方邊夷國土名牛頭。若按新經云。疎勒國有一住處。名牛頭山。如前所引。西域記文此與真丹處則異也。此文見金陵塔寺記古老相傳云。是辟支佛現形之所。而前後文多云菩薩於中止住。而其靈應往往有之。

迦葉彌羅國。有一住處。名曰次第。從昔已來諸菩薩衆於中止住。

疏九迦葉彌羅。晉譯爲罽賓。此翻爲阿難入卽木

田乞地之所畧。如音義廣出西域記第三。鈔九迦濕彌羅記第三云。北印度境。末田乞地。卽阿羅漢名。昔云末田地。新云末田底迦。迦濕彌羅國。周七千餘里。四境負山。山極峭峻。雖有門徑。而復隘狹。自古鄰敵無能攻伐。云云昔此國本龍池也。世尊自烏仗那國降惡神已。欲還中國。乘空當此國上。告阿難曰。我涅槃後。有末田底迦阿羅漢。當於此地建國安人。弘揚佛法。如來寂滅之後。第五十年。阿難弟子末田底迦阿羅漢者。得六神通。具八解脫。聞佛懸記。心自慶悅。便來至此。於大山巖宴。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

坐林中。現大神通。龍見深信。請資所欲。阿羅漢曰。願於池內惠以容膝。龍王於是縮水奉施。羅漢神通廣身。龍王縱力縮水。池空水盡。龍翻請池。阿羅漢於此西北爲留一池。周百餘里。自餘枝屬別居小池。龍王曰。池池總施。願恒受供。末田底迦曰。我今不久無餘涅槃。雖欲受請。其可得乎。龍王重請五百羅漢常受我供。乃至法盡。法盡之後。還取此國以爲居池。末田底迦從其所請。時阿羅漢既得地已。運大神力。立五百伽藍於諸異國。買鬻賤人以充役使。以供僧衆。末田底迦入寂滅後。彼諸賤人

人自立君長。鄰境諸國鄙其賤種。莫與交親。謂之訖利多。唐言買得今時泉水已多流溢。

增長歡喜城有一住處。名尊者窟。從昔已來諸菩薩衆於中止住。

疏十。增長歡喜城。古釋云。卽南印度尊者窟者。卽上座部所居之所。

庵浮梨摩國有一住處。名見億藏光明。從昔已來諸菩薩衆於中止住。

疏十一。庵浮梨摩。此云無垢。卽是果名。此國豐而且勝。故以爲名。在中印度境。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

垂露源鑑卷之二

三

乾陀羅國有一住處名苦婆羅窟從昔已來諸菩薩衆於中止住。

疏十二乾陀羅國此云持地國多得道果者護持不爲他國侵害故或云香徧徧國香草先發故苦婆羅者是香華樹名與初品苦末羅梵言輕重耳徧窟側近多生此故相傳云是佛留影之所具如西域記及大集月藏分第十鈔十二乾陀羅國西域記第三云健馱邏國有迦臘色迦王以如來涅槃之後第四百年應期撫運王風遠被殊俗內附機務餘暇每習佛經日請一僧入宮說法而法

異儀部執不同王用深疑無以去惑時脇尊者曰如來去世歲月逾遠弟子部執師資異謂各據聞見共爲矛盾時王聞已甚用感傷悲歎良久謂尊者曰猥以餘福幸遵前緒去聖雖遠猶爲有幸敢忘庸鄙紹隆法教隨其部執具釋三藏下取意遂召衆僧七日供養欲集法事先下勅令去凡留聖聖衆僧多復去有學無學猶多次留具三明六通具者猶多次取內閑三藏外達五明乃至四百九十九人後一世友末得羅漢等廣集三藏凡三十萬頌王以銅鑠鏤寫石函封緘全捨此國與僧故

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

多聖居也。苦末羅者此翻爲黃雜色初品巧幻術修羅王苦末羅王乃偈共長行唐梵互出與此釋不同偈云紅色光神又其城東南十餘里有窣堵波中有佛牙長可寸半其色黃白彼多聖迹故是聖居相傳云者卽西域記第二說那揭羅國城西南二十餘里有伽藍伽藍西南深澗峭絕瀑布飛流懸崖壁立東岸石壁有大洞穴瞿波羅龍之所居也門逕狹小窟穴冥闇崖石津壁溪逕餘流昔有佛影煥若真容相好具足儼然如在近代已來人不徧覩縱有所見髮鬚而已至誠祈請有冥感

者乃贊明示尚不能久昔如來在世之時此龍爲牧牛之士供王乳酪進奉失儀旣獲譴責心懷恚恨卽以金錢買花供養受記窣堵波願爲惡龍破國害王卽趣石壁投身而死遂居此窟爲大龍王便欲出穴成本惡願適起此心如來已鑑愍此國人爲龍所害運神通力自中印度至龍所龍見如來毒心遂止受不殺戒願護正法因請如來常居此窟諸聖弟子恒受我供如來告曰吾將寂滅爲汝留影遣五羅漢常受汝供正法隱沒其事無替汝若毒心忿怒起時當觀吾影以慈心善故毒心

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

當止。此賢劫中。當來世尊亦愍汝等。皆留影像。釋曰。此與觀佛三昧海經大同已。如初會鈔引。西域記云。此國無別君長。屬迦畢試國去健馱羅國不遠。或曾屬之耳。具如西域記者。此卽總指上來諸處。引西域記不局一卷。月藏分的指第十。然月藏分當第十二。有十卷經中。卽建立塔寺品第十九。爾時娑婆世界王大梵天王。釋提桓因曰。四大天王等。及諸眷屬。從座而起。合掌向佛。一心敬禮。而作是言。佛說於四天下中。所有過去諸佛如來之所建立。住持大塔牟尼諸佛所依住處。於現在世。

及未來世。而常不空。佛爲菩薩摩訶薩等。降大法雨。皆悉充滿。初名衆仙所興。次名德積。次名金剛。次名香室。次名暎婆利。次名賢城。次名須賀多羅。次名水光。次名香熏。次名善建立。次名遮波羅。次名金燈。次名樂住。次名牟隣陀。次名金剛地。次名慈窟。次名那羅延窟。次名渠摩婆羅香。次名惠頂。次名大德窟。次名善現。次名青鬱茂。次名虛空子。次名牛頭栴檀室。次名難勝。此是過去諸佛建立住持大塔。常爲菩薩等之所加護。於是。我等常所供養。世尊所有聲聞弟子。於現在世。及未來世。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之二

三

復有幾所塔寺住處。令我等輩護持養育。然此初數處與此經同。可以意得。故不具引。下取意引爾。時世尊微笑。面門放種種光。時四天下。有無量百千諸佛住處而現。東洲八萬佛現。北洲百千。西洲五百。南洲二百五十。千佛處現。廣說諸國各有佛現等。下諸天龍等。發願護持。

疏此文之終。都無結束。或是經來不盡。闇浮既爾。餘方餘界。異類界等。可以倣之。法界身雲。則無在不在矣。

嘉善信士顧朝寧捨資四兩五錢四分八厘

刻此一卷薦

亡父顧九思超生蓮界

沈明修領募

大方廣佛華嚴經疏鈔卷四十五之三 終

校勘

華嚴疏錄卷之二

三

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏鈔卷之三

三

四



大方廣佛華嚴經疏鈔卷四十六

于闐國三藏沙門實叉難陀譯

清涼山大華嚴寺沙門澄觀撰述

佛不思議法品第三十三之一

疏初明來意先通後別通則此下五品爲答第一
會初如來地等十句問故古德但有三品答前謂
前明修生之因今辨修生之果因圓果滿故次來
也若答前問何以重請由因果隔絕念法希聞因
德尚深果必玄妙故念請耳別明此品則前品因
終此品果始故次來也鈔古德但有三品者以

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

後二品別爲平等因果故用品雖廣狹不同答果
義等若答前問下二解妨先問以前六會共答前
問皆不重請故問此品何以重請由因果下古德
答此乃有二意一因果隔絕前諸會同因故不別
問此下是果果隔於因故此重問二念法希奇果
不思議故復念請因德已下出念法希奇之相上
是通意別明此下二唯明此品

疏二釋名者如來果法迥超言慮故以爲名斯即
佛之不思議法也

疏三宗趣者先總後別總明說佛果德體用心言

罔及爲宗令總忘言絕想速滿爲趣

疏別就宗中三門分別一通辨佛德若說百四十

不共佛法通於權小若五法攝大覺性猶通於
權若言唯一味實德者約理頓說若言具無盡德
是此所明故後文中初標十問答具多門類通十
方一一無盡鈔初通辨佛德言百四十不共者
已見光明覺品今重舉總數謂三十二相八十種
好四一切種清淨十力四無所畏三念住三不護
大悲無忘失法永斷習氣一切種妙智爲百四十
而通權小者小乘亦說但相劣耳權大說者皆悉

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

超勝此約五教已有其二若五法下正明實教故云通權。權實皆有但實教中會歸法性不壞相耳。若言唯一味下二卽頓教若言具無盡下三卽圓教從故後文中下四辨今經是圓教德。

疏二別顯義相諸佛功德不出二種一者修生二者本有初謂信等本無今有後謂真如具性功德此二無礙應成四句一唯修生二唯本有以性相區分故三本有修生謂如來藏彼了因本隱今顯故四修生本有無分別智冥符理故若權教所明二德不雜法報四句亦有差殊依此經宗雖有

四義而無四事本有如真金修生如嚴具然由嚴具方顯金德嚴具無體全攬金成故唯金不礙嚴具唯法身而不礙報化唯嚴具亦然既互全收故十身無礙八相該於法界丈六徧於十方諸根毛孔各無限量亦不礙量量與無量無有障礙鈔二別顯義相於中有三初正顯二德言信等者此通行位信爲萬行之首則該進念定等位亦以信爲初五十二位所有行德皆有二故若權教下三揀權異實初明權教言不雜者如轉依果有二一所生得卽是四智二所顯得卽是涅槃涅槃本有

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

四智修生修生有爲修顯無爲故二不雜法報四句者。遮救恐外救云我宗亦有四句。何異前融。一唯法卽在纏法身。二唯報卽四智菩提。三亦法亦報謂真如出纏其諸功德四非法非報所謂應化。今言亦有差殊者正據權也雖有四句染淨時乖法報非一思之依此經宗下二顯實教舉喻四句。喻上四句一本有如真金是前第二句。一修生如嚴具喻第一句。三然由嚴具方顯金德喻第四句修生本有四嚴具無體全攬金成喻第三句。此卽合初二句成三四句離初二句無三四句三四兩

句同在一時更無別體以此細尋權實斯顯五故唯金下結第二句歸初句六唯嚴具亦然結第一句歸第二句此約喻說若望前法但初句爲第二第二句爲第一耳從既互全收下結歸本宗無礙之相今更以喻總喻二德如修生在因漸顯於本有在果圓滿於本有非本有理有漸有圓如初生月明雖漸滿而常帶圓月以圓月常在故故十五日月徧在初一二三等中則知滿果徧在因位亦令後後常具前前常具後後以初一日有一日月乃至十五日月以十五日月卽初月故法合

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

可知。由此故云修生本有。以初圓時先已圓故。本有修生以初生時亦已圓故。忘懷思之。

疏三顯不思議之義。泛明有四。一理妙難測。二事廣難知。三行深越世。四果用超情。今文通四。正辨後一就後一中。復開爲四。一何者不思議。畧辨十種。一智超世表。二悲越常情。三無思成事。四同染恒淨。五所作秘密。六業用廣大。七多少卽入八分圓自在。九依正無礙。十理事一味。文並具之。恐繁不引。一於何不思議。此有四位。一過世間。二越權小。三超因位。四顯法自體。三云何不思議。亦有

四種。謂非聞思修。及報智境故。四何用不思議。亦有四種。謂令信向故。起行求故。隨分證故。圓滿得故。前並是宗。唯何用爲趣。卽此宗趣。可以釋名。鈔一何者下。徵不思議法體。答謂智悲等。二於何下。徵不思議人。答謂世間等。此人不能思議。三云何下。徵不思議體。謂聞思等。思不及故。四何用下。徵不思議意。謂如來說法。本欲利生。令絕言思。於物何益。答意云。令信入故。謂欲證入。要須心絕動搖。言亡戲論耳。

疏次正釋文。五品分二。初品總明佛德。後四別顯

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

佛德古德後二爲平等因果。此但三品果法有將此三配體相用。後二可然。初品有妨。有相用故今依賢首。初品總顯佛德體用。次品別顯勝德之相。後品別明勝德用益。又初品明德。次品明相。後品明好。鈔後之四品者是疏新意。欲將五品答其十問。然有三重。一此品總明佛德。具答十問。如下科釋。二者一一門中含答十門。亦如下釋。三者五品廣答十問。如下說分之初古德已下敍昔疏。且述古便依三品科經。

爾時大會中有諸菩薩作是念。

疏今初分四。一請分。二加分。三證分。四說分。初中二先明請人。

諸佛國土云何不思議。諸佛本願云何不思議。諸佛種性云何不思議。諸佛出現云何不思議。諸佛身云何不思議。諸佛音聲云何不思議。諸佛智慧云何不思議。諸佛自在云何不思議。諸佛無礙云何不思議。諸佛解脫云何不思議。

疏後諸佛下正顯所念十法。皆云不思議。卽前果用超情離於說相。故此十句義並多含旨。皆通真應。不得一向就應而辨。鈔後諸佛下正顯所念疏。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

文有二。一畧示法體。不得一向下結彈異釋。

疏然此十問攝前普光後二十句所成果問謂身攝六根智攝佛境佛地及最勝三問自在攝五。一神力。一神通。三十力。四無畏。五三昧。此並前開此合。鈔然此十下對前相攝今當先列第二會初二十句問。一如來地。二如來境界。三如來神力。四如來所行。五如來十力。六如來無畏。七如來三昧。八如來神通。九如來自在。十如來無礙。十一如來眼。十二如來耳。十三如來鼻。十四如來舌。十五如來身。十六如來意。十七如來辯才。十八如來智慧。

十九如來最勝。二十欠光明故唯有十九。然句句皆有云何是言經中十句次第可知。此中攝彼不依次第對前成三類故。一前開此合。二前合此開三無開合欲以此少攝彼之多故先明前開此合乃有三句攝前十六句。第二前合此開以前一句攝五句。第三節彼此一句則此中初合有三次此開有六。後此不開有一具足十句。彼前初開有十六次合有一後不開合亦一成十九句就初前開中第一身攝六根者身卽六中之一兼攝欠光明一句故有七句。第二智慧攝三兼能攝智爲四。第三

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

三自在攝五兼能攝自在爲六故成十七疏前境界中。開出國土所化所依之境故前所行中。開出出現本願種性種性卽悲智之行。本願就因辨行故。出現是佛普賢行故。出現與行互有寬陿下出現品行是其一故。前之無礙此開解脫作用無礙名解脫故。所以開合者顯義無方故。名多同者顯不異故。鈔前境界下第二前合此開中亦有三節。而初境界國土無能攝句。境界由前智慧已攝境故。故雖三節但有二句。境界是所化之境。國土是所依之境。第二節所行攝三卽有能攝脫。

然三皆行故言出現與行互有寬陿者遮難。恐有難言彼十門出現行是其一如何此行能攝彼耶。故以互有寬陿通之。如以菩提爲門則菩提之性攝於涅槃。若以涅槃爲門則涅槃攝於菩提。前之無礙者是第三節。則前但有一此則具於無礙解脫。

疏音聲卽辯雖無開合名有寬陿義旨大同。鈔音聲卽辨下第三無開合前後各一句。

疏更爲立圖。

◎佛不思議法品初十問。◎如來名號品二十問。

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金剛四十一

卷

一國土。○二如來。

二本願。

三種性。

四出現。○四所行。

十一眼。

十二耳。

十三鼻。

十四舌。

十五身。

十六意。

五身。

六音聲。○十七辯才。

一佛地。

七智慧。○十八智慧。

十九最勝。

二十無畏。

五十力。

六無畏。

七三昧。

八神通。

八自在。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

垂露疏金卷四十一

九

○九自在

○十無礙

○十解脫

○十無礙

疏此十義相第一會中已釋。至下說分重明。

爾時世尊知諸菩薩心之所念。則以神力加持智慧攝受光明照耀威勢充滿令青蓮華藏菩薩住佛無畏入佛法界獲佛威德神通自在得佛無礙廣大觀察知一切佛種性次第住不可說佛法方便。

疏第二爾時世尊下加分中三初加因神知機故次則以下顯加相二葉加故初句總餘句別謂意

語身以光卽教光故後令青蓮華下加所爲爲具說德故文有八句一外制無畏二內證深寂此意業勝三威德內充四神用外徹此身業勝五具四無礙是語業勝六徧觀機教爲廣大七知性無差爲次第八授說善巧爲方便皆說德也所以加青蓮華藏者果德離言藉因顯故因果同時故性德無染最超勝故一德具含一切功德故鈔七知性無差者成十九最勝彼欠二十光明行次第本性無差性隨次第而終不易果德離言者此文有四節此對表花之義經宗有因果二分十地已明。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

花引果故。二因果下表蓮華義謂有問言是花引
果何要蓮華故答云餘花花前果後此花不有則
已有則花實雙含又無染故故舉蓮華三又問言
蓮華有四何要舉青故疏答云最勝超故智論云
水生花勝者卽優鉢羅花故四又蓮華一蓮多子
表一舍一切故此釋藏義。

爾時青蓮華藏菩薩則能通達無礙法界則能安住
離障深行則能成滿普賢大願則能知見一切佛法
以大悲心觀察衆生欲令清淨精勤修習無有厭怠
受行一切諸菩薩法於一念中出生佛智解了一切

無盡智門總持辯才皆悉具足。

疏第二爾時青蓮華下證分十句初四自利次三
利他上皆自分後於一念下三句勝進並顯可知。
承佛神力告蓮華藏菩薩言。

疏第四承佛下說分分一先承力總告告蓮華藏
者非同佛心無以受佛德故亦名蓮華不言青者
不礙能說爲最勝故。

佛子諸佛世尊有無量住所謂常住大悲住種種身
作諸佛事住平等意轉淨法輪住四辯才說無量法
住不思議一切佛法住清淨音徧無量土住不可說

9 10 1 2 3 4 5 6 7 8 9

20 1 2 3 4 5 6 7 8 9

30

撰述

華嚴疏錄卷四十一

十一

卷

甚深法界。住現一切最勝神通。住能開示無有障礙究竟之法。

疏後佛子諸佛下。正顯佛德。畧有二義。總下五品共答十問。此品答佛種性。佛以功德爲種性。故次一品答身。次一品答本願。後一品答出現。其國土問。初會已廣。餘或經來未盡。或前後攝之一者。此品具答十問。謂佛德無量。畧顯三十二門。門門皆具十。有三百二十德。以顯無盡。昔以初十標宗畧答。具答十問。所餘唯有別答。而超次答前十問。今謂三十二門。如次答前十問。而門門皆含答十。

欲顯佛德一具一切故。亦顯所問能包含故。而其標門之名。多不同前者。爲顯佛德無邊量故。文分爲十。初二二門答國土問。第二念念出生下二門答本願問。第三不思議境下二門答種性問。第四普入下二門答出現問。第五離過清淨下五門答身問。第六演說下二門答音聲問。第七最勝下三門答智慧問。第八自在下入門。答自在問。第九決定下三門答無礙問。第十一切智住下三門答解脫問。以身及自在舍前普光諸問。多故用門亦多。而文多有二。謂標釋結義相至文當顯。

19 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷四十一

三

疏今初二門答國土者。國土卽是所依所住。初門明其常住法門。後門明其徧住法界。不唯國土。不在方所。爲真土也。今初文二。初標後釋。釋中九句。顯於如來應機說法。含答十問。則十問皆成住處。下皆倣之一。起應之心。答種性問。悲爲種性故。二演法之身。答身問。三轉法之意。答本願問。本願平等利一切故。四能轉之辯。答音聲問。音出辯故。五所轉之法。答自在。自在不思議故。六轉音周徧。荅國土。國土是音所至故。七所顯之理。答智慧。智慧能住法界故。八能化之通。答神通問。九演法之

益答無礙問。文唯九句。脫於出現。或通前諸句。出現皆能作前九故。答此十問。旣爾。答初一會類例可知。鈔今初下釋文。但明記上十問尋文易了。或開或合顯義無方。

佛子。諸佛世尊有十種法。普徧無量無邊法界。何等爲十。所謂一切諸佛有無邊際身色相清淨。普入諸趣而無染著。一切諸佛有無邊際無障礙眼。於一切法悉能明見。一切諸佛有無邊際無障礙耳。悉能解了一切音聲。一切諸佛有無邊際鼻。能到諸佛自在。彼岸。一切諸佛有廣長舌。出妙音聲。周徧法界。一切

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷四十一

三

諸佛有無邊際身。應衆生心。咸令得見。一切諸佛有無邊際意。住於無礙平等法身。一切諸佛有無邊際無礙解脫。示現無盡大神通力。一切諸佛有無邊際清淨世界。隨衆生樂現衆佛土。具足無量種種莊嚴。而於其中不生染著。一切諸佛有無邊際菩薩行願。得圓滿智。遊戲自在。悉能通達一切佛法。佛子是爲如來應正等覺普偏法界無邊際十種佛法。

疏二普偏法界者。明其偏住。謂六根三業皆偏法界。土故標中無量是事法界。無邊是理。此二無礙及事事無礙法界。並爲所偏。列中則顯前十皆偏。

一無邊身。含答二問。一正答身。其普偏諸趣。是有悲性。及出現義。次六是身別相。亦是於身。兼答普光眼等六問。出妙音聲。答音聲問。第八答二問。謂無礙答第九。解脫答第十。神通力答自在。第九別答國土。第十答本願及智慧問。

佛子。諸佛世尊。有十種念。念出生智。何等爲十。所謂一切諸佛於一念中。悉能示現無量世界。從天來下。一切諸佛於一念中。悉能示現無量世界。菩薩受生。一切諸佛於一念中。悉能示現無量世界。出家學道。一切諸佛於一念中。悉能示現無量世界。菩提樹下。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

成等正覺。一切諸佛於一念中悉能示現無量世界轉妙法輪。一切諸佛於一念中悉能示現無量世界教化衆生供養諸佛。一切諸佛於一念中悉能示現無量世界不可言說種種佛身。一切諸佛於一念中悉能示現無量世界種種莊嚴無數莊嚴如來自在在一切智藏。一切諸佛於一念中悉能示現無量世界無量無數清淨衆生。一切諸佛於一念中悉能示現無量世界三世諸佛種種根性種種精進種種行解於三世中成等正覺是爲十。

疏第二念念出生智下二門答本願問此門明乘

願現其八相後門明願不失時。今初然願以後得智爲體從其願智生八相等非生智也別中一乘願下生一受生種族三學解脫道四明其出現五音聲六化生嚴國七現身八自在相嚴福嚴嚴如來嚴故九是無礙十卽智慧正徧知故。

佛子諸佛世尊有十種不失時何等爲十所謂一切諸佛成等正覺不失時一切諸佛成熟有緣不失時一切諸佛授菩薩記不失時一切諸佛隨衆生心示現神力不失時一切諸佛隨衆生解示現佛身不失時一切諸佛住於大捨不失時一切諸佛入諸聚落

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

不失時。一切諸佛攝諸淨信不失時。一切諸佛調惡衆生不失時。一切諸佛現不思議諸佛神通不失時是爲十。

疏二不失時者行止在緣根熟化現未熟便捨。非願不周若機熟失時便違本願別中一出現二成本願有緣三知種性與記四自在五現身六智住於捨七六根無礙八淨國攝信九強音調惡十卽不思議解脫。

佛子諸佛世尊有十種無比不思議境界何等爲十。所謂一切諸佛一跏趺坐徧滿十方無量世界一切

諸佛說一義句悉能開示一切佛法。一切諸佛放一光明悉能徧照一切世界。一切諸佛於一身中悉能示現一切諸身。一切諸佛於一處中悉能示現一切世界。一切諸佛於一智中悉能決了一切諸法無所呈礙。一切諸佛於一念中悉能徧往十方世界。一切諸佛於一念中悉現如來無量威德。一切諸佛於一念中普緣三世佛及衆生心無雜亂。一切諸佛於一念中與去來今一切諸佛體同無二是爲十。

疏第三不思議境界下二門答種性問此門雙明報應種性皆真正故後門唯明法身種性。今初

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

體相超言念故云不思議下位不及故云無比別中一身二音三乘願放光如其本願所得光故四出現五國土六智慧七自在八威德種族九無雜之礙十解脫體同上之五段皆畧指陳兼答十問已下恐繁不顯說者隨宜。

佛子諸佛世尊能出生十種智何者爲十所謂一切諸佛知一切法無所趣向而能出生迴向願智一切諸佛知一切法皆無有身而能出生清淨身智一切諸佛知一切法本來無二而能出生能覺悟智一切諸佛知一切法無我無衆生而能出生調衆生智一

切諸佛知一切法本來無相而能出生了諸相智一切諸佛知一切世界無有成壞而能出生了成壞智一切諸佛知一切法無有造作而能出生知業果智一切諸佛知一切法無有言說而能出生了言說智一切諸佛知一切法無有染淨而能出生知染淨智一切諸佛知一切法無有生滅而能出生了生滅智是爲十。

疏一出生智者明法身爲種性也從無性中出其智慧非答智慧故別中十各二句皆上一句知性即無性之性爲能生後句出生智用。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

佛子。諸佛世尊。有十種普入法。何等爲十。所謂一切諸佛。有淨妙身。普入三世。一切諸佛。皆悉具足三種自在。普化衆生。一切諸佛。皆悉具足諸陀羅尼。普能受持一切佛法。一切諸佛。皆悉具足四種辯才。普轉一切清淨法輪。一切諸佛。皆悉具足平等大悲。恒不捨離一切衆生。一切諸佛。皆悉具足甚深禪定。恒普觀察一切衆生。一切諸佛。皆悉具足利他善根。調伏衆生。無有休息。一切諸佛。皆悉具足無所礙心。普能安住一切法界。一切諸佛。皆悉具足無礙神力。一念普現三世諸佛。一切諸佛。皆悉具足無礙智慧。一念

普立三世劫數。是爲十。

疏第四普入下二門答出現問。此門明徧現常現非有出沒。方爲真現故。別中云。普現三世諸佛。況自身耶。又一現即一切現。以三世佛無二體故。如文殊般若中。辨別中云。三種自在者。卽三業化也。佛子。諸佛世尊。有十種難信受廣大法。何等爲十。所謂一切諸佛。悉能摧滅一切諸魔。一切諸佛。悉能降伏一切外道。一切諸佛。悉能調伏一切衆生。咸令歡悅。一切諸佛。悉能往詣一切世界化導羣品。一切諸佛。悉能智證甚深法界。一切諸佛。悉皆能以無二之

身現種種身充滿世界。一切諸佛悉皆能以清淨音聲起四辯才說法無斷。凡有信受功不唐捐。一切諸佛皆悉能於一毛孔中出現諸佛與一切世界微塵數等無有斷絕。一切諸佛皆悉能於一微塵中示現衆利與一切世界微塵數等具足種種上妙莊嚴恒於其中轉妙法輪教化衆生而微塵不大世界不小常以證智安住法界。一切諸佛皆悉了達清淨法界以智光明破世癡闇令於佛法悉得開曉隨逐如來住十力中是爲十。

疏第二十種廣大法者明出現之相謂大用無涯。

故云廣大凡小莫測故難信受文顯可知。
佛子諸佛世尊有十種大功德離過清淨何等爲十所謂一切諸佛具大威德離過清淨一切諸佛悉於三世如來家生種族調善離過清淨一切諸佛盡未來際心無所住離過清淨一切諸佛於三世法皆無所著離過清淨一切諸佛知種種性皆是一性無所從來離過清淨一切諸佛前際後際福德無盡等於法界離過清淨一切諸佛無邊身相徧十方刹隨時調伏一切衆生離過清淨一切諸佛獲四無畏離諸恐怖於衆會中大師子吼明了分別一切諸法離過

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

清淨。一切諸佛於不可說不可說劫入般涅槃。衆生聞名獲無量福。如佛現在功德無異離過清淨。一切諸佛遠在不可說不可說世界中。若有衆生一心正念則皆得見離過清淨是爲十。

疏第五離過清淨下五門答身問卽分爲五一此門總顯無過如來三業隨智慧行故三業等事不出於身故別中十句多同出現品身之十相思之。鈔別中十句者彼之十相即是十身一普入成益相卽威勢身一無心普應相卽是化身故云種族調善三平等隨應卽菩提身由菩薩智無所住

故平等隨應四無著無礙卽智身五周徧十方卽是法身故云一性六嚴利益生卽福德身七無生潛益卽相好莊嚴身八嚴好滿願卽是願身願力周法界恒轉妙法輪故九窮盡後際卽力持身故彼經中以醫王延壽喻佛雖涅槃而不失利樂十圓廻等住卽意生身故云心念則現以彼十相十身對今經文一無差異其有難者隨句已釋若依彼此次此一卽彼三二卽彼七三卽彼四四卽彼二五卽彼一六卽彼九七卽彼五八卽彼十九卽彼八十卽彼六但彼文廣理無二也。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

佛子。諸佛世尊。有十種究竟清淨。何等爲十。所謂一切諸佛。往昔大願究竟清淨。一切諸佛所持梵行。究竟清淨。一切諸佛離世衆惑。究竟清淨。一切諸佛莊嚴國土。究竟清淨。一切諸佛所有眷屬。究竟清淨。一切諸佛所有種族。究竟清淨。一切諸佛色身。相好究竟清淨。一切諸佛法身。無染。究竟清淨。一切諸佛一切智。智無障礙。究竟清淨。一切諸佛解脫自在。所作已辦。到於彼岸。究竟清淨。是爲十。

疏二。究竟清淨明過。不生揀異。因淨故云究竟惑障。諸垢永不起故。別中前五功德身淨。次二色身。

次一法身。次一智身。後一意生等身淨也。鈔後一意生者。由言解脫自在。故云意生身。言等身者。等取願身化身等也。

佛子。諸佛世尊。於一切世界。一切時。有十種佛事。何等爲十。一者若有衆生專心憶念。則現其前。二者若有衆生心不調順。則爲說法。三者若有衆生能生淨信。必令獲得無量善根。四者若有衆生能入法位。悉皆現證。無不了知。五者教化衆生。無有疲厭。六者遊諸佛刹。往來無礙。七者大悲不捨。一切衆生。八者現變化身。恒不斷絕。九者神通自在。未嘗休息。十者安

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

住法界能徧觀察是爲十。

疏三十種作佛事。卽明身之業用。別中亦多同出現品身相。

佛子。諸佛世尊有十種無盡智海法。何等爲十。所謂一切諸佛無邊法身。無盡智海法。一切諸佛無量佛事。無盡智海法。一切諸佛佛眼境界。無盡智海法。一切諸佛無量無數難思善根。無盡智海法。一切諸佛普雨。一切甘露妙法。無盡智海法。一切諸佛讚佛功德。無盡智海法。一切諸佛往昔所修種種願行。無盡智海法。一切諸佛盡未來際恒作佛事。無盡智海法。

一切諸佛了知一切衆生心行。無盡智海法。一切諸佛福智莊嚴。無能過者。無盡智海法。是爲十。

疏四。無盡智海法者。卽如來六根三業。皆智慧深廣。相應故。亦別廣智身可知。

佛子。諸佛世尊有十種常法。何等爲十。所謂一切諸佛常行。一切諸波羅蜜。一切諸佛於一切法。常離迷惑。一切諸佛常具大悲。一切諸佛常有十力。一切諸佛常轉法輪。一切諸佛常爲衆生示成正覺。一切諸佛常樂調伏。一切衆生。一切諸佛心常正念不二之法。一切諸佛化衆生已常示入於無餘涅槃。諸佛境

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

界無邊際故是爲十。

疏五十種常法者明身中意業恒常用無斷故。
 佛子諸佛世尊有十種演說無量諸佛法門何等爲十。所謂一切諸佛演說無量衆生界門。一切諸佛演說無量衆生行門。一切諸佛演說無量衆生業果門。一切諸佛演說無量化衆生門。一切諸佛演說無量淨衆生門。一切諸佛演說無量菩薩行門。一切諸佛演說無量菩薩願門。一切諸佛演說無量一切世界成壞劫門。一切諸佛演說無量菩薩深心淨佛刹門。一切諸佛演說無量一切世界三世諸佛於彼彼劫。次第出現門。一切諸佛演說一切諸佛智門。是爲十。佛子諸佛世尊有十種爲衆生作佛事何等爲十。所謂一切諸佛示現色身爲衆生作佛事。一切諸佛出妙音聲爲衆生作佛事。一切諸佛有所受爲衆生作佛事。一切諸佛無所受爲衆生作佛事。一切諸佛以地水火風爲衆生作佛事。一切諸佛神力自在示現一切所緣境界爲衆生作佛事。一切諸佛種種名號爲衆生作佛事。一切諸佛以佛刹境界爲衆生作佛事。一切諸佛嚴淨佛刹爲衆生作佛事。一切諸佛寂寢無言爲衆生作佛事。是爲十。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

疏第六演說無量下二門答音聲問。此門明以音聲辯說。兼答普光辯問。後門十種作佛事。明種種說法。謂六塵四大舉動施爲。皆能顯法成益無非佛事。非獨音聲。如淨名說。別中初身二音三四皆智。受爲成彼檀故不受令彼倣佛行少欲故又以無所受受諸受故。餘可知。

佛子。諸佛世尊有十種最勝法。何等爲十。所謂一切諸佛大願堅固。不可沮壞。所言必作。言無有二。一切諸佛爲欲圓滿一切功德。盡未來劫修菩薩行。不生懈倦。一切諸佛爲欲調伏一切衆生故。往不可說。不

可說世界。如是而爲一切衆生而無斷絕。一切諸佛於信於毀二種衆生。大悲普觀。平等無異。一切諸佛從初發心乃至成佛。終不退失菩提之心。一切諸佛積集無量諸善功德。皆以迴向一切智性。於諸世間終無染著。一切諸佛於諸佛所修學三業。唯行佛行。非一乘行。皆爲迴向一切智性。成於無上正等菩提。一切諸佛放大光明。其光平等。照一切處。及照一切諸佛之法。令諸菩薩心得清淨。滿一切智。一切諸佛捨離世樂。不貪不染。而普願世間離苦得樂。無諸戲論。一切諸佛愍諸衆生。受種種苦。守護佛種。行佛境。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

界出離生死。逮十力地。是爲十。

疏第七最勝法下三門答智慧問。初此一門總明權實因果之智。兼答普光最勝之間。智慧最勝故。一結云住十力地。兼答佛地之間。別中四卽三念處能緣之慧。處謂不增不減平等之理。初一心聽法不憂。二心聽法不喜。三常行捨心以法界中減退相不可得故。增進相不可得故。卽涅槃相故。如次配之。

佛子。諸佛世尊有十種無障礙住。何等爲十。所謂一

一切諸佛皆能往一切世界無障礙住。一切諸佛皆能住一切世界無障礙住。一切諸佛皆能於一切世界行住坐卧無障礙住。一切諸佛皆能於一切世界演說正法無障礙住。一切諸佛皆能於一切世界住兜率天宮無障礙住。一切諸佛皆能入法界一切三世無障礙住。一切諸佛皆能坐法界一切道場無障礙住。一切諸佛皆能念念觀一切衆生心行以三種自在教化調伏無障礙住。一切諸佛皆能以一身住無量不思議佛所及一切處利益衆生無障礙住。一切諸佛皆能開示無量諸佛所說正法無障礙住。是一切諸佛皆能開示無量諸佛所說正法無障礙住。是

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏卷四十一

三

爲十。

疏一無障礙住。明智慧離障。以智慧所作無礙故。一切無礙。

佛子。諸佛世尊。有十種最勝無上莊嚴。何等爲十。所謂一切諸佛。皆悉具足諸相隨好。是爲諸佛第一。最勝無上身莊嚴。一切諸佛。皆悉具足六十種音。一一音有五百分。一一分無量百千清淨之音。以爲嚴好。能於法界一切衆中。無諸恐怖。大師子吼演說。如來甚深法義。衆生聞者。靡不歡喜。隨其根欲。悉得調伏。是爲諸佛第二最勝無上語莊嚴。一切諸佛。皆具十

力諸大三昧十八不共莊嚴意業。所行境界。通達無礙。一切佛法。咸得無餘。法界莊嚴。而爲莊嚴。法界衆生心之所行。去來現在。各各差別。於一念中。悉能明見。是爲諸佛第三最勝無上意莊嚴。一切諸佛。皆悉能放無數光明。一一光明。有不可說光明網。以爲眷屬。普照一切諸佛國土。滅除一切世間黑闇。示現無量諸佛出興。其身平等。悉皆清淨。所作佛事。咸不唐捐。能令衆生至不退轉。是爲諸佛第四最勝無上光明莊嚴。一切諸佛。現微笑時。皆於口中放百千億那由他阿僧祇光明。一一光明。各有無量不思議種種。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

色徧照十方。一切世界於大衆中發誠實語。授無量無數不思議衆生阿耨多羅三藐三菩提記。是爲諸佛第五離世癡惑最勝無上現微笑莊嚴。一切諸佛皆有法身清淨無礙於一切法。究竟通達住於法界。無有邊際。雖在世間不與世雜。了世實性行出世法。言語道斷超蘊界處。是爲諸佛第六最勝無上法身莊嚴。一切諸佛皆有無量常妙光明不可說不可說種種色相以爲嚴好爲光明藏。出生無量圓滿光明。普照十方無有障礙。是爲諸佛第七最勝無上常妙光明莊嚴。一切諸佛皆有無邊妙色可愛妙色清淨妙色。隨心所現妙色。喚蔽一切三界妙色。到於彼岸無上妙色。是爲諸佛第八最勝無上妙色莊嚴。一切諸佛皆於三世佛種中生。積衆善寶。究竟清淨無諸過失離世譏謗。一切法中最爲殊勝。清淨妙行之所莊嚴具足成就。一切智智種族清淨無能譏毀。是爲諸佛第九最勝無上種族莊嚴。一切諸佛以大慈力莊嚴其身。究竟清淨無諸渴愛。身行永息。心善解脫。見者無厭大悲救護。一切世間第一福田無上受者。哀愍利益一切衆生。悉令增長無量福德智慧之聚。是爲諸佛第十最勝無上大慈大悲功德莊嚴。是爲

支那

華嚴疏錄卷四十一

毛

東京大学総合図書館所蔵

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

十。

疏三十種無上莊嚴。卽智慧成益。由內具智嚴。故外具諸嚴標。中超下位。故最勝。上無加故。云無上。別中十義。結名自顯。一相好身。二圓滿音。三以功德嚴意。四放光。五微笑授記。其緣甚衆。離世間品亦明。六法身中真如出纏。故云清淨無礙。卽法性法身。本智反照故。於一切法究竟通達。卽智慧法身。智契法界。俱無邊際。雖在已下。應化法身。了世已下。功德法身。嚴理智故。了世實性。成上不雜。生下出世。行出世法。則功德備矣。言語道斷。卽虛空

法身。亦實相法身。體絕百非。言十四句。唯證相應。故超蘊界。處顯是無爲。翻有漏蘊。成五分法身。若翻界處。則外六塵亦國土身。則十身圓融成真法身矣。七卽常光。八金等妙色。九中具真。應種。三世佛種。卽真如無性。故應種可知。十中起必智。俱故無渴愛。動與道合。故身行永息。心善解脫。成上無憂見者。無厭成上行息。此皆功德。亦無夢見。成下大悲。旣爲第一田故。受施之中。更無過上。

佛子。諸佛世尊。有十種自在法。

疏第八。十自在法下八門。答。自在問。卽爲八段。初

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

一總明白在兼攝加持初總可知。何等爲十。所謂一切諸佛於一切法悉得自在。明達種種句身味身演說諸法。辯才無礙。是爲諸佛第一自在法。

疏別中全同八地之中十種自在。但深廣不次耳。一法自在論經云無中邊法門示現故。

一切諸佛教化衆生。未曾失時。隨其願樂。爲說正法。咸令調伏。無有斷絕。是爲諸佛第二自在法。

疏一心自在無量阿僧祇劫三昧入智故由在三昧觀機故化不失時。

一切諸佛能令盡虛空界無量無數種種莊嚴。一切世界六種震動。令彼世界或舉或下。或大或小。或合或散。未曾惱害於一衆生。其中衆生不覺不知。無疑無怪。是爲諸佛第三自在法。

疏三勝解自在大小淨穢隨解轉變故。

一切諸佛以神通力。悉能嚴淨一切世界。於一念頃普現一切世界莊嚴。此諸莊嚴經無數劫。說不能盡。悉皆離染。清淨無比。一切佛利嚴淨之事。皆令平等。入一刹中。是爲諸佛第四自在法。

疏四財自在。一切世界無量莊嚴嚴飾住持故。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

一切諸佛見一衆生應受化者爲其住壽經不可說不可說劫乃至盡未來際結跏趺坐身心無倦專心憶念未曾廢忘方便調伏不失時如爲一衆生爲一切衆生悉亦如是是爲諸佛第五自在法

疏五命自在不可說劫命住持故

一切諸佛悉能徧往一切世界一切如來所行之處而不暫捨一切法界十方各別一一方有無量世界海一一世界海有無量世界種佛以神力一念咸到轉於無礙清淨法輪是爲諸佛第六自在法

疏六如意自在一切國土中如意變化故

一切諸佛爲欲調伏一切衆生念念中成阿耨多羅三藐三菩提而於一切佛法非已現覺亦非當覺亦不住於有學之地而悉知見通達無礙無量智慧無量自在教化調伏一切衆生是爲諸佛第七自在法疏七智自在如來力無畏不共法相好莊嚴三菩提提示現故文中生界無邊機熟相續故念念應成而真成在昔故佛於三世非是新覺亦非不覺住學地又顯雖念念覺離覺相故非三世覺亦離不覺故不住學地又云而悉通達無量智等卽十力等

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷四十一

三

一切諸佛能以眼處作耳處佛事。能以耳處作鼻處佛事。能以鼻處作舌處佛事。能以舌處作身處佛事。能以身處作意處佛事。能以意處於一切世界中住世出世間種種境界。一一境界中能作無量廣大佛事。是爲諸佛第八自在法。

疏入業自在。六根互用。廣大佛事。是佛業故。然非改轉。一根不變本來具故。

一切諸佛其身毛孔。一一能容一切衆生。一一衆生其身悉與不可說諸佛刹等而無迫隘。一一衆生步步能過無數世界。如是展轉盡無數劫。悉見諸佛出

現於世。教化衆生。轉淨法輪。開示過去未來現在不可說法。盡虛空界。一切衆生諸趣受身威儀往來。及其所受種種樂具。皆悉具足。而於其中無所障礙。是爲諸佛第九自在法。

疏九生自在。一切世界生示現故。

一切諸佛於一念頃現一切世界微塵數佛。一一佛皆於一切法界衆妙蓮華廣大莊嚴世界。蓮華藏師子座上成等正覺。示現諸佛自在神力。如於衆妙蓮華廣大莊嚴世界。如是於一切法界中不可說不可說種種莊嚴種種境界種種形相。種種示現。種種劫

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

數清淨世界。如於一念。如是於無量無邊阿僧祇劫。一切念中。一念一切現。一念無量住。而未曾用少方便力。是爲諸佛第十自在法。
疏十。願自在隨心所欲。佛國土時。示成三菩提故。上來唯三與八。取意而釋。餘並論經之文。其第十一自在文。有四節。一。念現多佛於一類界成佛。二。如於衆妙下類顯餘界。三。如於一念下類顯餘念。四。一念一切現下。總結深廣。一切現者。一念便現法界。諸形諸時諸神力故。一念無量住者。常無現故。而不動如來少許方便故。云自在。

佛子。諸佛世尊。有十種無量不思議圓滿佛法。何等爲十。所謂一切諸佛一一淨相。皆具百福。一切諸佛皆悉成就。一切佛法。一切諸佛皆悉成就。一切善根。一切諸佛皆悉成就。一切功德。一切諸佛皆能教化。一切衆生。一切諸佛皆悉能爲衆生作王。一切諸佛皆悉成就。清淨佛刹。一切諸佛皆悉成就。一切智智。一切諸佛皆悉成就。色身相好。見者獲益。功不唐捐。一切諸佛皆具諸佛平等正法。一切諸佛作佛事已。莫不示現入於涅槃。是爲十。

疏第二。不思議圓滿佛法者。明圓滿自在。謂前十

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

自在八地容有。故顯如來十種圓滿。又無一法不自在故。方云圓滿別中二卽證成菩提十力等。云一切佛法。九卽具有法輪教法。三通福智。故曰善根。四唯是福。但云功德餘可思準。

佛子。諸佛世尊有十種善巧方便。

疏第三善巧方便。卽於法自在。皆權實等無礙。故何等爲十一。一切諸佛了知諸法皆離戲論。而能開示諸佛善根。是爲第一善巧方便。

疏別中。一。知實離言。絕動搖之戲論。而起權開示善根。故爲自在。

一切諸佛知一切法悉無所見。各不相知。無縛無解。無受無集。無成就自在。究竟到於彼岸。然於諸法真實而知。不異不別。而得自在。無我無受。不壞實際。已得至於大自在地。常能觀察一切法界。是爲第二善巧方便。

疏二證實無能所見。而不礙於法。真實知見。無縛無解。而至大自在。

一切諸佛永離諸相。心無所住。而能悉知。不亂不錯。雖知一切相皆無自性。而如其體性。悉能善入。而亦示現無量色身。及以一切清淨佛土。種種莊嚴。無盡。

之相集智慧燈滅衆生惑是爲第二善巧方便。

疏三無相知相無性入性亦能示現依正調生一切諸佛住於法界不住過去未來現在如如性中無去來今三世相故而能演說去來今世無量諸佛出現世間令其聞者普見一切諸佛境界是爲第四善巧方便。

疏四證冥三際之理而演三際益生。

一切諸佛身語意業無所造作無來無去亦無有住離諸數法到於一切諸法彼岸而爲衆法藏具無量智了達種種世出世法智慧無礙示現無量自在神

力調伏一切法界衆生是爲第五善巧方便。

疏五三業湛然而包含示現。

一切諸佛知一切法不可見非一非異非量非無量非來非去皆無自性亦不違於世間諸法一切智者無自性中見一切法於法自在廣說諸法而常安住真如實性是爲第六善巧方便。

疏六知非一異而見一切法。

一切諸佛於一時中知一切時具淨善根入於正位而無所著於其日月年劫成壞如是等時不住不捨而能示現若晝若夜初中後時一日七日半月一月

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

一年百年。一劫多劫不可思劫。不可思劫乃至盡於未來際劫。恒爲衆生轉妙法輪。不斷不退。無有休息。是爲第七善巧方便。

疏七知時融入故不住不捨而不壞年劫。演法無休。

一切諸佛恒住法界。成就諸佛無量無畏。及不可數辯。不可量辯。無盡辯。無斷辯。無邊辯。不共辯。無窮辯。眞實辯。方便開示一切句辯。一切法辯。隨其根性。及以欲解。以種種法門說。不可說。不可說。百千億那由他修多羅。初中後善。皆悉究竟。是爲第八善巧方便。

疏八恒住法界。則寂無所住。而成就無量無畏。十辯演法。十辯者。一多故。二非心測故。三隨說一事。窮劫不盡故。四住放辯才無有間故。五觸類成辯。故六下位所無。故七無能難屈故。八皆契事理故。九無一句義不能顯故。十無有一法不能演故。初中後善。下明說之德具七善故。或開爲十。瑜伽八十五云。一初善。聽聞時生歡喜故。二中善。修行時無有艱苦。遠離一邊。依中道行故。三後善。謂究竟離垢等故。今文云皆悉究竟。諸經論中。更多多釋。恐厭繁文。餘七經文畧無。鈔三後善者。等字等。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

取及一切究竟離欲爲後邊故法性離垢故能學者亦離垢故修行究竟得離垢故諸經論者智論云讚布施爲初善讚持戒爲中善讚一果報生天淨土名後善復說聲聞獨覺大乘亦各三善寶篋經云知苦斷集名初善修八正道爲中善證滅名後善是名聲聞初中後善若不捨菩提心不念下乘迴向一切智是名菩薩初中後善等釋曰今疏全依瑜伽故指餘釋餘七者謂畧故無非是全無今依瑜伽具出論云四者文巧謂善緝綴名身等故及八語具八語具者一先首二美妙三顯了四

易解五樂聞六無依七無違八廣大如瑜伽二十五說五義妙謂能引發利益安樂六純一謂不與外道共故唯佛法有外道所無七圓滿無限量故最尊勝故義豐且勝故名圓滿八清淨謂自性解脫故一剎那自體解脫故或法自體解脫故九鮮白謂相續解脫故設多剎那亦解脫故能學之者亦解脫故十梵行之相謂八聖道支滅諦名梵道諦名行與滅爲因此具八道名梵行相當知此道由純一道等四種妙相之所顯說

一切諸佛住淨法界知一切法本無名字無過去名

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

無現在名無未來名無衆生名無非衆生名無國土名無非國土名無法名無非法名無功德名無非功德名無菩薩名無佛名無數名無非數名無生名無滅名無有名無無名無一名無種種名何以故諸法體性不可說故一切諸法無方無處不可集說不可散說不可一說不可多說音聲莫逮言語悉斷雖隨世俗種種言說無所攀緣無所造作遠離一切虛妄想著如是究竟到於彼岸是爲第九善巧方便

疏九離說而說故無想著

一切諸佛知一切法本性寂靜無生故非色無戲論

故非受無名數故非想無造作故非行無執取故非識無入處故非處無所得故非界然亦不壞一切諸法本性無起如虛空故一切諸法皆悉空寂無業果無修習無成就無出生非數非不數非有非無非生非滅非垢非淨非入非出非住非不住非調伏非不調伏非衆生非無衆生非壽命非無壽命非因緣非無因緣而能了知正定邪定及不定聚一切衆生爲說妙法令到彼岸成就十力四無所畏能師子吼具一切智住佛境界是爲第十善巧方便

疏十了寂起用於中先知本寂後而能下不廢起

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

用前中亦一一先正顯後然亦下釋成謂色等性無
非遣之使無故不壞諸法卽空無業等後起用可
知

佛子是爲諸佛成就十種善巧方便

比丘智利自捨并領募銀六兩六分二釐刻
此一卷與緣衆等開後周文炳四錢
通鑄智慧各三錢智洽洪智本錢二分
玄達智玄廣因性量圓明廣億各二錢
廣雲明勝如域顯祖德融慈善淨明
海印道勤海雲敬峯黃偉廣肖王復
龍各一錢念茲一錢大迦並首因心一兩
思淳張錦各八分德或大迦經首各五分
大方廣佛華嚴經疏鈔卷四十六 終



工一四十一